

清齋堂集




10104

清愛堂集卷五

仁和

魏成憲



雲樓小草上

僦居

丙午六月十五日

舟居三月餘自春而徂暑攜家耒長安無屋愁陸處從人  
 典半宅宣南坊里許綠樹當雙扉苔痕上柱礎有軒轅琴  
 樽有亭足容與位置及庖涸料量到雞黍牆陰宜秋花買  
 栽任嬌女卽此瓜牛廬差勝託逆旅親戚樂情話慰問盡  
 鄉語病婦幾時健持戶頗楚楚券書博士驢米乞太倉糶  
 龜勉有無間貧家亦豪舉況復予季偕相依若蛩驅讀書  
 兼治生慎旃吾與汝何時遂迎養花前酌春醕遊子今有  
 清愛堂集卷五

清愛堂集卷五

一

方飛雲無定所但念親舍遙望望湖之墅

夾竹桃

燕臺花兒匠養竹難于花如何青鸞尾一抹武陵霞過雨  
 好顏色涼陰綠窗紗

晚香玉

花態亦猗儺花氣何郁烈新月到簾押照見枝枝雪不負  
 晚香名要以玉比潔

胡敘庭表弟

祖福

南歸送至張灣而別

雙帆記我來時路梅雨初收丁字沽今日送君從此去風  
 光回首已模糊

煙外平沙柳外城畫輪緩緩憶經行憐余孤影斜陽道忍



見蘼蕪慘綠生

弱弟栖栖幼女癡此行畢竟仗扶持水程頻與平安報江北江南夢繞之

預想到家塵乍浣挑燈細細話長安高堂若向詢游子莫說秋來鬢似潘

數聲畫角起東門楓葉霜紅染淚痕獨對西風愴搖落不因送遠已銷魂

校書 文源閣次玉閬峯學士 王保韻以下疆圍協洽

襖硯朝朝集禁廬芸香風動畫簾裾方壺地淨三庚暑

朵殿雲開二酉書最喜生花搖筆候已忘掃葉爽秋餘人間未見琳瑯籍鱗次繙同獺祭魚

清愛堂集卷五

二一

澄懷高下好林廬 時假榻登懷園 林翠空濛欲濕裾略似李邕方

假直還同邢劭幾思書液蓮香襲迎涼處苑柳陰穿退食餘天上歸來誇飽讀尚慙博物證桐魚

曉過高梁橋

如畫烟波柳更深平橋轉處見遙岑紅荷花氣涼於雨款段獨行乘曉陰

澄懷園坐雨

西山雲有滄殘暑鬱林麓快風灑然來散作涼萬斛風挾雨勢濃俄頃樹如沐宛在水簾中天紳挂檐瀑卽此是澄懷何必賞茅屋未秋起秋聲蕭蕭雜蘆竹識取江湖味夢到鷗邊宿

七月六日 賜校書諸臣紗葛二端恭紀

上界清涼暑不知  
僉名黃紙拜恩時  
來碧磴紅泉路  
詠徧含風疊雪詩  
波淨曾漚園客  
繭山深記采  
越人絲曝衣  
時節新承寵  
餘錦天孫乞  
莫遲

簡校書諸公次秦漪園編脩韻

苑西如畫綠陰長  
長夏細書靜裏忙  
此日探源媿蠡測  
昔年照字借螢光  
三清茗瀹水  
歐淨日給清茶  
五兩風含霧縠

涼蒙賜紗葛親到琅嬛仙境好  
文成雲錦織為裳

敢詡研經并大春  
試披諸子百家頻  
連日分校子部集部牙籤愛有

香盈手腹笥慙非  
誦等身玉府羅峯  
排午午花甄歸佩接

申申解嘲也說登瀛數  
我是白雲樓外人  
西曹其元字者十有八人

清愛堂集卷五

三

七月十六日 賜乳酥恭紀

芳液書中有 天漿酌未曾  
濃非寒具污清似露盤  
承茗乳香同潑藜腸味忽增  
醞酬如灌頂應共道腴稱

晚步昆明湖上

裂帛湖邊野趣長  
最空明是此波光  
西山隔樹晚環碧  
荷葉無花秋更香  
近岸樓臺金粉畫  
遙心鷗鷺水雲鄉  
意行堤上不歸去  
柳外灑衣風送涼

題閨弄玉芬十燕巢閣遺集荔亭同年錫奎之從妹

歸唐君壽椿

東風靜綺寮  
燕語人無語  
賸粉與零香  
都是傷心緒

可惜春光最短那堪多病愁  
吟花外濛濛夢雨五茸天遠



雲深俱用集  
中句意

南朝鈹鏤家風舊滿篋清文儷玉臺僕本恨人同此恨  
叙書仁忍重開

悼亡十六首

哭亡室  
湯宜人

昔孫楚妻亡至祥服迺爲詩悼之潘岳悼亡之作  
亦在期年以後大功去琴瑟古人未有哀而賦詩  
者余自去年閏秋嗒焉喪耦每纏悲之耿耿又改  
服以匆匆念昔平生無可與訴惟逝者略識文字  
舊恨新愁和淚追寫焚寄幽靈當共此淒絕也

柔絲寸斷繫前因傷逝傷秋獨客身十二年來風轉燭三  
千里外玉成塵今情奈我悲零落往事憐君共苦辛欲訴  
長離兼寫恨恨深那更旅愁新

清愛堂集卷五

四

頭白相莊願竟乖尋思玉色與瓊懷梁鴻賴有齊眉案徐  
淑曾無耀首釵可是雲仙經小謫故應繡佛奉長齋同功  
若果難成爾爭似盈盈隔水涯

中表情親記穉年髮纔覆額齒齊肩薦蘿早附恒春樹瓜  
果曾分乞巧筵隔水精簾梳髻罷揜雲碧袖整花偏平生  
靜好柔嘉意生小深閨已宛然

年華逝水定情初小雪寒深逗綺疏

小雪年華詠絮  
人子催粧句

一昨

雞鳴心共警只今蝶化夢成虛愛吟玉笛梅花句解仿清  
流脩竹書剩有鏡奩和硯匣紅窗韻友昔相於

徒芳瑤草又鶯飛離別光陰事已非仗爾執筭供夕膳憑

誰擣素寄寒衣西江月照迢迢路

于客江  
右三年

北郭花開緩緩

歸今日牀空長簾冷幽房重感舊伊威

添香伴讀書樓高計吏催行遠夢勞五夜寒燈挑錦字十  
年春草映青袍最縈離緒魚書達爲整輕裘燕翦操曾臥  
牛衣相對泣慰心聞說宴櫻桃

北來時節近梅炎憔悴知因道里淹多病忍教疎藥裏此  
行爲我累壘鹽攜將家具清如水愛有庭柯綠到簷苦憶  
高堂隔晨夕新愁又上遠峯尖

纔息征塵便習勤相依夫婿逐浮雲載圓皓月同爲客

六月

十一日至京至閏七月  
十四日而逝甫及兩月一慟西風不見君賃廡方期彤影

共憑棺頓遣死生分那堪井臼依然在尋偏房幃語不聞

清愛堂集卷五

五

彌畱宛轉念親慈語咽無聲氣一絲回首天涯憐我獨頻  
呼弱女謂伊癡神方自古傳皆誤瘦骨經秋強自支旅舍  
蕭然無長物嫁衣就斂倍淒其

竟日悲聲暗自吞夕陽無賴近黃昏相憐到死情難盡未  
卜他生性果存後夜寒幃期續夢故鄉翦紙定招魂臨危  
注目千行淚認取羅巾玉筍痕

每到更闌倦眼醒影堂燈在冷于螢愁生隔院寒砧響人  
比驚秋病葉零細數薨年何草草沈思蕙質太惺惺無情  
最是風如翦吹動羅衣拂綺櫺

雲黯秋陰雨滴殘潞津相送薤歌酸水浮陸走長離苦地  
老天荒再見難半世渺教窺喜愠餘生誰與語暄寒春明



門外迎家路今日重來悵影單

八月二十一日送魏南歸距到京恰一百日

本是迎陵共命禽雙棲無那信沈沈黃楊厄閏應非偶紅  
豆相思未是深川路霜飛遲旅櫬風簾月上擁孤衾營齋  
營奠尋常事泥我窮愁媿此心

二月春陰始別家雙帆安穩指京華烟波畫舫人何在寒  
食東風柳又斜尋徧杏梁惟舊燕銜殘麥飯有荒鷄殞宮  
只在湖西路落盡棠梨濺淚花

恨不能言恨正長意難忘處總神傷手栽花想文蕘灌舊

讀書畱粉指香懺佛有情繡貝葉

近爲寫般若經

返魂無術問稠

桑崔微風貌含悽對課女圖中翠袖涼

有槐庭課女圖遺照

舊時月色共婆娑不信秋期冉冉過青鬢流年看鏡換紅

清愛堂集卷五

六

心宿草奈霜何哀蟬欲斷飄涼葉隙駟難留感尺波只恐  
庭闈念游子吟成翻怕楚聲多

崔雲客同年

景儀

乞假省尊甫曼亭先生於杭州官

舍卽題胡敘庭畫送之

霜紅染亭臯吳岫淡烟杪一幘江南著色山蓬萊仙人挂  
帆早帆葉去迢迢天寒酒易消離筵如雨別親舍望雲遙  
才子承顏官閣裏此邦恰有湖山美一門樂事但論詩花  
木濃於春釀喜羨君歸及小春前蓉錦斑衣我夢牽若語  
壺天好風月人間未見是琅嬛

時同校書甫畢

喜敬甫四弟

紹憲

至京

握手乍驚魂經年涕淚痕關心雙白髮絮語一黃昏年少

嗟行役天涯仗弟昆不愁霜月冷姜被果奇溫

題胡菘泉

祖銘

西溪讀書圖

何須一葉趁樵風時有吟聲出樹中家在法華山下路松篁十里翠濛濛

夢到梅花最深處恰逢君自故鄉來挑燈細話花間屋屋後春波綠似苔

十月十日

賜大緞一端恭紀

五色芸函墨海霏

尚方文綺又分輝

思如挾纊小春

臣

本衡茅一布衣攜藻幾人工作繪乘槎何處訪支機

臨風漫展邛遲錦萊綵高堂獻壽歸

十月二十九日

賜哈密瓜恭紀

清愛堂集卷五

七

捧出纖絺罽芳滋寶薤函鎮心偏耐冷水齒尚餘甘莫認安期棗寧論蜀道柑燉煌欣在眼作狀媿稽含

甲辰秋與唐述山同年

祖樾

聯舫南歸有舟中九日

倡和之作別後疊韻見懷今年仲冬述山至京出示

前詩次韻答之

論交寒谷與春叢欲折疏麻款緒風人海一身藏玉局草堂三載住盧鴻思綿遠道傳魚素塵拂征衫認酒紅畢竟關心是峯泖語江南好與君同

竹外吟筇柳外艤依依別夢繞京華冷雲滿徑雪初釀來日故鄉梅未花雄劒青琴心似水深杯紅燭客爲家評詩

合共陳無已

君下榻陳桂堂齋中

向若哲子辨渚涯



陳桂堂農部

廷慶

用述山韻見投壘韻答之

以下著雍涪灘

高士名傳笠澤叢清才于此泝流風讀書何止半袁豹拂  
硯真能辨帝鴻欲挾春華聯竹素還馨夕膳采蘭紅閉門  
鷺坐今何似可許苔岑別異同

年來心事託虛艤禪榻春風感鬢華勁節尚畱霜後竹輕  
陰不護雨餘花歌傳北里難爲聽人在南村定幾家又是  
鷺飛芳草綠湖山佳麗夢天涯

三月十三日法源寺看花分得動字

東風峭寒未吹塢遲我窺園學非董忽聞鄰寺花已放城  
南池邇攜茶籠朝鶯語滑蝶作團一徑灌叢香鬱菴清澗  
之曲松之陰霞痕淺抹鮮雲滃梵唄時傳林磬圓六么漫  
向芳茵攏年來百事不挂眼瘦如隱侯帶移孔何妨學佛  
兼愛花不問花枝紛總總春光看到脩禊後節物萍生更  
桐華拈花且吟呈佛詩試參禪悅風幡動

崔曼亭先生以詩卷見示次莊然一

寶書

韻題之卽

送出都

吏隱今詞伯平生愛古歡人如秋燕客吟到晚花寒亦有  
勞薪味相憐索米難春明容易別細字翦燈看

寒夜旅懷寄示故園諸弟并簡松窗從兄

鱸擁深深屋月斜霜滿天乍聞寒雁信靜檢白雲篇康濟  
談何易羈孤色可憐歲闌無長物珍重賣文錢

三年諸弟隔予季獨隨予擁絮欣聯榻移檠勸讀書道存

鉛槧裏春到蠟梅初何日同馨膳陔南奉起居闈未久  
迎養常縈抱清貧是此官訓嚴箴飲水書到說如餐差喜  
舍飴早偏愁索米難關心嬌小女失母憶長安

客夢江鄉樂年光暖臘宜梳香春滿瓊稻熟雪翻匙信美

惟吾土為歡記小時今宵情脈脈為報阿兄知樂香

長至後三日雪中陳梅坨萬全攜酌集周廉堂北基

寓齋與詩吟更蕭紫華蕭萍翁公與官賦

雲閒天淡景騷騷路轉斜街挈榼勞花護冰姿春蘊藉爐

溫雪屋坐周遭要宜宿麥占三白如載浮萍笑二豪我憶

秦亭峯玉立寒梅香處小樓高致心觀盡絲燕冰咬絲

會共題鮑雪林祖鶴湖山晴曉畫卷以下屠維作靈效

清愛堂集卷五 九

會共湖船載酒尊足勾留處試重論春烟茶鼓柳邊寺寒

食餽簫花外村好景渲來濃黛裏鄉心眺盡綠蕪痕如絲

雨過朝霞起猶記聽鶯客款門

京兆閣中陳畹青儀曹漢以藍筆寫牡丹見贈監試

江秋史侍御德量更補紫筆藤花諸公咸有題句因

系以詩

重簾不卷颺茶烟別有生花翠管鮮紫府仙人眾香國春

風先到蔚藍天

葉葉花花淺復深要將本色印初心一牀官筆三條燭消

息秋香動桂林

外鼻秦端厓先生奉使皖江屬以分校入闈未及躬



送奉懷四首

星軺南去想初程，鑣院虛馳捧別情。江介一番風，又采秋光三五月。方盈懷人地，有青山。美愛士春從絳帳，生如水。心期臚誦久，果然水鏡屬水清。

曾泛芙蓉淥水邊，春風皖浦昔游篇。論文每愧雕蟲技，脩謁纔逾舞象年。癸巳甲午 曾隨使節麗藻江山懷謝朓，後堂絲竹款

彭宣芝楣小草，今披拂信有三生翰墨緣。

一枝頻向桂林探，此地量才記美談。己亥戊申先生分校京兆並得榜首今日敢誇甥似舅，他時相憶北和南。難憑雲路銜書雁，且聽

風檐食葉蠶。舊是康成門下士，傳衣若箇出于藍。

謝家池館別筵新，多少臨歧語未申。莫漫生涯嗤索米，聊

清愛堂集卷五

十

將文字證傳薪，采蘭最羨皇華使。折柳偏憐詠絮人，官閣團圓歎壽母。一庭花木四時春。

日新端厓先生以重陽前三日登浦口臨江樓用癸巳冬

一 壁間舊作韻二首寄示即次元韻

一色澄鮮水映空，憑闌千里目難窮。詩畱粉壁紗籠處，秋

在烟帆沙鳥中。遠樹簇雲皴，淺絳落霞射。海氣沈紅數聲

漁笛汀洲晚，燈火南徐畫角終。

小樓纔上宛梯空，吟盡秋光思不窮。九日花開寒驛裏，六

朝山好夕陽中。重來此室生虛白，卽景頻年夢軟紅。若語

登臨前度勝從遊，慙愧棄繻終。

往與穀人同時北上，奚鐵生作壽花軒餞別圖以贈。

今五年矣穀人復乞假歸屬題圖後並懷春渚先生  
以下上  
章闕茂

昔歲故園別山中故人柳條折與君共是出山雲每詠停  
雲思苑結今來長安道東華風月同懷抱暇日相尋爲選  
花鄉心不斷如春草人海深藏又五年時時夢繞西湖邊  
輕裘但載書滿船送君將歸我自憐天涯舊雨重攜手況  
值西風搖落候斜日金臺畫角寒到家恰醉黃花酒我展  
當時話別圖花間按曲夜涼初翠尊紅燭應如昨人比秋  
鴻信已疎慙子畱滯君瀟灑散仙誰得如君者寄聲爲報  
草堂師好振吟壇聯八社

雜感二首和嵇笠軒員外

承豫

韻

清愛堂集

十一

百卉盡嚴霜每憶春風好九達遵康莊不識蠶叢道一心  
抱區區勞人矜草草以彼膚寸雲何時得蘇槁我懷張季  
賢人說馮唐老不如且歌呼清淨以爲寶

萬物各異性不齊醜與好爲善無近名下士笑聞道得氣  
如春花出山卽小草獨有隱凡人嗒焉形已槁至論不可  
磨刑名本黃老願言淡泊遭守茲不貪寶

秋蓮曲

葉田田中香冉冉曉風作秋霞半斂天然不雕不飾花冰  
簾美人含睡臉淡掃新粧休洗紅扶上綠衣扇猶掩多情  
文采雙鴛鴦照影相偎花戚忝鏡裏花同鏡裏人嬌欲語  
時情一點蓮子苦心藕纏絲總使汙泥不能染



全秋濤太守

士潮

以湖石贈嵇笠軒笠軒疊成小峯

賦詩索和

小有玲瓏趣雲根著意搜贈如青玉案坐以翠微樓曲徑  
劣容趾奇峯俄舉頭盆山不可隱

用東坡句

石丈卽吟儔

姚春漪孝廉

思勤

索題考具詩

風簷鱗雜細分題辛苦如將家具攜黃到槐花紅到杏一  
房房似暖蜂棲

憫忠寺看菊同姚春漪吳充甫

錦

敬甫舍弟分韻

傲屋鄰古寺地偏情自幽隔巷時一至妙侶招羊求清華  
湛水木況茲際深秋秋容澹無迹冷翠西山浮松門晝寂  
寂竹影涼脩脩分畦徧蒔菊非翦非雕鏤霜華色映媚夕

清愛

卷五

三

英香未收一重一掩處寒蝶飛還畱茶烟颺禪榻瘦日斜  
經樓有花卽佛供有句于野謀猶餘東籬興不羨龍門遊  
陶然亭秋望同充甫敬甫

展重陽候乍霜天送目江亭思渺然百頃殘蘆戴晴雪一  
繩寒鴈界溪烟人間秋士難爲別

充甫將南歸

畫裏詩心卽是

仙僂指畱題經十載

庚子冬與儲香岩郭葦江同遊

清潭照影已華顛

盧碧山廣文

錫琛

招集陶然亭餞吳充甫南歸集杜

一邱藏曲折四顧俯層巔佳士欣相識封侯不記年驂騑  
開道路雕鷲在秋天茅屋還堪賦明星惜此筵

笠軒索題吹簫美人圖

春風小筆無雙艷秋水爲神第二泉吹徹玉簫明月夜試

將羅袂嫩寒天舊時燕子曾相識何處桃花不可憐若使  
餘芳未銷歇凌波微步到芝田

冬至後一日笠軒招同王紫宇編脩春煦張萼樓孝

廉彤小集存春書屋卽席賦四十韻

序屆開鑪會寒消卽席題冬餘暄景短日下素交締不速  
來非客相尋古與稽雅宜娛楮墨喧已厭輪蹄三徑門如  
水重簾室是緹泉疏澆藥井庭宿護花泥爲選峯間石從  
移樹下踐庭列湖石數峯九華壺隱好一品洞天齊疊架青藤絡  
編籬翠竹批烟容初漠漠雪意稍淒淒多謝安吟榻旋教  
送酒棹筍遙馳玉版橙乍屑金壘詎以鮭爲菜兼之鹿作  
鸞筵排銀鑿落屏映碧頗黎射覆輸中戶繡書命小奚皆席

清愛堂集卷五

三

間紅箋才倚馬白髮笑揮犀密坐清于鵠雄談氣似霓襟

期偏跌宕塵慮早推擠腹貯便便笥羅坦坦畦境因嘗  
蔗換跡訶去鴻迷但索長安米難輝太乙藜喜眞殊木雁  
道卽在醞雞世味勞薪轉鄉心獨鶴棲品泉松寺靜邀笛  
柳橋低楓冷飄飄爾萼香渺渺兮前遊懷在苒後約許扶  
攜夜水猶堪卜川長不可躋分曹趨直北我夢繞湖西頓  
歲巢營燕當時曲唱驪山深梅未翦臘近麥應犁詩徧畱  
孤嶼書還說二隄江村榮橘柚海客戀鳧鷖此夕歡心醉

何人凍面鷺得朋非落落款語最媿媿春淺探香園圖成

憶畫溪笠軒有感海圖將遺青玉案爲樂白銅鞮和雪誰歌郢餐

霞願友嵇惜陰添繡綫刮目少金鑣列炬林鴉散驕風檻



馬嘶試聽蓮漏下霜月正如圭

寒夜詠瓶菊二首

不知霜氣撲簾陰靜對寒花子細吟短檠乍移秋影瘦輕  
冰恰護晚香深舊時凍蝶黏殘粉此夜歸鴻度遠音畱待  
綺窗梅有信雙清耐可抱冬心

葉葉枝枝整復斜後開花似後凋花孤芳不寄閒籬冷落  
韻惟書古歲華明月前身空色相寒泉一掬伴生涯琴南  
硯北餐英夕晝出秋容老圃家

冬至後二日春漪晨過盆廬卽事有作次韻答之

至日輪行北長安笑向西故人猶戢翼舊學敢忘蹄暇卽  
紆塗訪寒還息影棲蕭晨紅葉下逸興碧霄齊共說鸞常

清愛堂集卷五

七

伏相過鳳莫題結蘭情鄭重折柳話分攜穀人南歸秋卷工何

益南雲望易淒會須窺冊府底事悵回溪心鏡誰能冶文

澗不可隄登陽應喜貢交呂遂攀嵇爲客更裘葛中廚但

糗藜曾諸修月斧肯問上天梯我愛談揮塵君宜貴伏犀

依依葭倚玉朗朗壁聯奎詠菊軍持插近有瓶菊倡和看松畫障

提君愛書儘教毫素託不信軟紅迷蠟屐梅邊渚囊琴桂下

蹊琴臺桂堂皆君吟屋天涯書寄錦物候几加綈鷗夢尋烟水鴻飛

認雪泥兩生今未達調相圖小迂八社昔同躋徑竹家家冷霜

柑樹樹低風光添想望才調各端倪喜並吟髭撚羞將短  
髮鏡句聯鳴鼎蚓語報隔窗雞石友眞堪執蓬心不自撕

花遊春有約斗酒聽鶯啼

至後得雪曉望次笠軒韻

乍聞驚竹隔窗風，  
風葉縈盈密灑空。  
夜景虛明殘月小，  
晨光欲上冷雲同。  
一年春報頭番白，  
九陌塵消十丈紅。  
大好西山如玉立，  
雙尖句莫羨坡翁。

題鮑若洲

汀高巖飛瀑圖爲笠軒作兼懷鮑雪林在

江南

詩情畫意隨所遭，  
長安二鮑皆吟曹。  
雪林南歸若洲死，  
烟雲無色淒亭臯。  
我識若洲謝家墅，  
花間浮白持雙螯。  
酒酣潑墨興磅礴，  
掉頭逕去浮輕艘。  
其時雪林亦我別，  
江南秋草分青袍。  
俊逸詩人渺難接，  
清妍點綴誰揮毫。  
可憐競爽弱，  
一介二泉山下寒。  
風號故人懷舊寶，  
柔翰玉鴉又接金。

清愛堂集卷五

五

題挑無聲詩是有聲，  
畫飛泉直落高巖高。  
殘山剩水宛然在，  
夕陽鄰笛霜頭搔。  
從來布衣不朽事，  
往往郊瘴隨韓豪。  
還君此畫三歎息，  
感君古誼銘佩牢。  
寄聲爲報雪林子，  
青山一髮相思勞。

題王純生

文誥

阜亭探梅吟卷

春陰黃鶴峯，  
松篁露花缺。  
人在翠微間，  
濛濛隔香雪。  
烟外乍通樵，  
磴水邊添箇魚。  
層夙與阜亭，  
神約花時只合依僧。

梅花最好春猶淺，  
一曲青山溪一轉。  
北郭人家喚買舟，  
伊鴉柔櫓東風軟。

清愛堂集卷五



清愛堂集卷六

仁和 魏成憲 寶臣

雲樓小草中

買水仙數本盛以古瓷藉以文石几案間清供也賞

之以詩

以下重光大淵獻

新年買花花可人清泉白石花之隣幽香欲吐半未吐一莖一葉東風勻凌波韻入芝田館燈影簾櫳素心伴拾將翠羽采明珠春共瀟湘水雲遠

戲詠火判

得氣火騰速肖形土偶同可憐心太熱官羨色通紅案牘誰司命炎涼亦大公曾無真面目一開任村童

清愛堂集卷六

庭前雙鶴次端厓先生韻

曾棲珠樹絕風埃莫以軒墀寵浪猜戒露同聲雲過去隔花對影雪紛來養成逸翩翩舉相取幽經朗朗回記得孤山舟載處梅邊鐵笛向春催

白石蒼苔卽事欣昂藏何必在雞羣舞時內景琴三疊騎上揚州月二分已遇羊公姿更斂漫誇簫史韻遙聞鳴臯聽徹青霄外子和居然送喜勤

太平鼓

小連環應響東東暖入催花第一風最好新年傳吉語太平福壽字當中

題唐秀才

晉錫

燕臺詠古詩

少陵合有好男兒西笑吟成十首詩老鳳又看雛鳳起桐  
花萬里學飛時

日近長安夙慧才春明餘夢筆花開煩君碧樹珊瑚手更  
賦陳倉獵碣來

三月三日得周廉堂學使書却寄

兩年辜負看花約尺素朝來雙鯉還曲水杯如蘭土里春  
風人到玉門關朋尊滿泛葡萄後羌笛低吹楊柳聞自古  
秦中吟望好天教持節訪名山

舒蔗堂觀察

希忠

招集見春書屋

湖山十載是州民深巷南頭又買隣人到中年憐舊雨花  
開上已愛濃春官如畫品何嫌淡屋有書聲自不貧且莫

清愛堂集卷六

二

籠燈歸最近濛濛檐柳月鈞新

高梁橋曉望

輕陰畫不到紅入杏花時曉露濃于雨春山淡似詩鵲喧  
人起早柳暗意行遲大有江南景煙波掩映之

三月二十一日同敬甫弟曉過崇效寺看海棠  
看花人先谷鶯起露泥輕塵柳帶煙行到禪扉隔脩竹一

林紅艷曉寒天

壓檐老樹態天斜萬點胭脂透碧紗畢竟江南春似海也

應輸此最穠花

步屣經過共卯君棗花寺古記前聞箋天乞取輕陰護須  
放春光到十分



盆廬手種丁香試花晨起賞之

鹿眼踈籬護幾重柔條似雪未全封春光看到丁香晚花  
氣渾如卯飲濃帶露半開宜笑淺和泥親種久情鍾海棠  
正好尋隣寺又拂吟鞭趁暖蜂

三月二十五日同張芝厓明經折曉過崇效寺看花

用東坡杏花詩韻

花濃春寺晨光春但少閒人如兩人看花要趁好晴色莫  
待埽花風起蘋香車陌上猶未發遊人誰見臙脂雪濛濛  
花缺露西山畫出西湖二三月且住輕陰簾影中今朝恰  
放觥船空黃鸝三請客歸去東風無端吹落紅

寄和端厓先生都梁山晴眺三首

清愛堂集卷六

三

雲山繞淮甸如畫遠舍春風俗采香戶年光解禊辰波浮  
靈塔杏花近故園親廿載三持節禽魚見亦馴

隱几東軒日坡公得靜便

見坡詩

昔遊驚夢繞

甲午陪游于此會景

仗詩宣禹績沉金鎖隋宮問渚田玻瓈泉好在何日續吟  
緣

寄和端厓先生盱眙山館曉坐元韻

汴泗記交流山圍逸氣適春雲渺天末曉月淡簾鉤是處  
都梁采于時宿麥收江南花外路款段綠楊溝

晚過漪園丈出示端厓先生寄懷之作卽次元韻

且飲能忘爾汝形邗聞鈴索夜東丁春殘江北瀟瀟雨人  
數花南落落星畫省移香藤又紫玉堂舊種竹猶青燈前

細詠池塘句愛見飛雲樹杪停

瓶中芍藥用東坡杏花韻

一杯婪尾花畱春如藐姑山綽約人南浦將離此時節含  
桃風泛汀洲蘋蘩栗梢頭剛半發井華水涵艷于雪移得  
豐臺小朶雲但少揚州二分月枝枝葉葉花當中四時不  
放花時空綠陰無數卷簾坐午晴香韻翻階紅

春漪招集桂隱齋壁間列芍藥數十瓶以詩賞之  
四壁香飄錦洞天高高下下綺疏蓮花光照夜不須月簾  
影搖春欲化煙半面粧如清露洗將離情爲軟風牽姚黃  
本是君家種又瀉紅橋藥玉船

題王叔明聽雨樓畫卷

清愛堂集卷六

四

黃鶴山樵句曲史詩中有畫畫中詩雲烟過眼風流在記  
取高樓聽雨時

青山一髮暖煙含暮雨瀟瀟曲最諳簾外春寒紅燭冷杏  
花天氣夢江南

阮伯元少詹

元

截竹插芍藥名曰花筒伊墨卿比部

秉綬

賦詩索和卽次其韻

清艷恰相宜筠筒花四垂此君清節後彼美艷陽時露蕊  
黏新粉烟梢護晚姿紅橋脩竹路舊夢費尋思

題畫

雨絲風片暖初消無那烟波送畫橈湖上桃花花外柳泥  
人光景第三橋



初夏過玉竦橋

綠樹陰陰紫界墻，虹橋飛跨一川長。  
宜人細葛薰風軟，近岸新荷宿雨涼。  
鰲背平依天尺五，鷗心閒到水中央。  
分明小李將軍畫，金粉樓臺襯夕陽。

銷夏六詠同李石農比部

鑾宣賦

涼棚

日豈長繩繫陰宜，片席添遠天疑有樹平地。  
不知炎簷背鳴秋雨庭心，露晚蟾豆花門巷好閒話記茅檐。

冷布

是布原非布，疏櫺四面窗。冷官名恰稱，熱客氣全降。  
蛛網紋如一，犀簾影得雙。夜深偏漏月，不獨照蘭缸。

清愛堂集卷六

五

響竹

未秋秋瑟瑟，寒玉一聲敲。或誤蠅頭點，聊憑鳳尾捎。  
驅從樊與棘，制豈蕙爲茅。清響風簫外，心虛卽素交。

歎壺

倒瀉水簾水，提壺人乍還。井眉資挹注，雨脚數潺湲。  
漱玉蓮房裏，跳珠花當間。此時涼萬斛，乳竇滴空山。

椒珠

牟尼頻澤手，當暑握椒佳。如貫空空鏤，其馨一一排。  
蘭風同養鼻，荷露若傾懷。畱得辛盤供，招涼作頌皆。

蕉扇

綠天誰翦取涼信，一重緘明月裁團扇。清風得半帆卷舒。

心寸寸搖動手摻摻畫出江村景棕鞋與葛衫

春渚先生書來寄示與穀人唱和詩次韻奉懷時穀人在江南

昔年問字到林蘿花外春疇煙外蓑太瘦生因詩思苦爲  
飢驅又客愁多秦淮天遠低江月燕市人歸凍酒波出處  
較量無不可名山事業肯蹉跎

題蔣秋吟上舍詩考具詩卷

農家犂耨工引杖樵以斧斤漁以網有其具者易其備而  
况文場角藝往操數寸管盡尺紙詞條五色花新放打頭  
之屋如單牀多少才人此偃仰米鹽鱗雜晨夕須安置帖  
妥風簾爽濁酒過牆隣舍生行竈燔柴倩都養最工體物

清愛堂集卷六

六

寫爲句春蠶葉聲吟自賞河間夫子愛誦之元晏序成爲

宏獎謂曉嵐師不鄙索余紙尾題心猶見獵技輒癢明年戰文

君掉鞅科名草已砌前長策勳一一數家珍莫以筌蹄等

忘象鎖廳亦有詠物詞名士後先說二蔣心翁太史有鎖闈詠物詞

曹吏於公解種雁來紅戲作二絕句

曹司風月眞無價綠樹陰中早放衙一雨如秋生意滿白

雲小吏也栽花

無花但賞葉頭紅得氣應須遑早鴻小草亦知矜晚出不

隨凡艷占春風

同人和六詠甚多並有賦七言者因再詠以補前詩

未盡之意



涼棚

結構無多竹木兼貪涼休避架空嫌齊雲高矣片雲合不  
日成之障日暹護到庭花紅欲滴分將隣樹綠初黏牽船  
上岸得佳趣百丈自搖風滿簾

冷布

碧羅羅更淡于瀧小市娑娑挂一杠幾處屏風界方罫誰  
家草閣倚寒江絲人可待蠶勤績網戶從教燕誤撞合與  
陶巾同漉酒荷筩香又沁雞缸

響竹

不比柯亭霜雪梢與紅絲拂拂窻及一麾借爾東南美遽  
集防他黑白滄逐去宛持三尺水聽來如和八音匏須知

清愛堂集卷六

七

物理先聲奪花繫金鈴烏罷巢

歎壺

持較龔春製更嫺挈來猶帶土花斑經心課雨占晴慣信  
手批紅判白間但使清流常滿腹偏教小草亦開顏及時  
甘澤歸壺隱灌頂醍醐恰一般

椒珠

服之有訣佩還借開口芳馨與我諧百琲居然同貫弗一  
薰難得幾摩揩由來連蒂仇池產底事求珍濁水涯臭味  
和香方以外投入怕似橘踰淮

蕉扇

天然綠扇未應芟新樣團圍妙手嵌畫有乘鸞添彩筆夢

無覆鹿到薪巖輕颺乍可一襟襲淺醉能將三葉銜簾外  
蕭蕭吹暮雨清涼境不隔仙凡

九日同姚春漪張芝厓遊陶然亭復至黑窰廡登高

過崇效寺看菊歸集盆廬小飲丁孟鼎比部

孝彝廬

碧山後至

四序秋最佳九日秋未老秋光無風雨令節暢懷抱訪秋  
蘆之碕有亭出木杪踏葉響蕭蕭路比香篆繞何人此徵  
歌鐘鼓爰居擾相攜登窰臺喧寂境異造培塿土戴石小  
亂坐班草長烟引輕素霽心送飛鳥遙山露瘦骨寒潭澄  
積潦綴以一林楓霜天添畫藁夕陽人影亂餘興鞭絲裊  
時出白紙坊

五城坊卷衝街集  
白紙坊有崇效寺

唐寺足幽討

析津日記元  
至正初以唐

清愛堂集卷六

八

貞觀佛寺舊址  
建寺賜額崇效

入門籬落間三五株紅蓼雜卉不知名娟

娟映叢篠今年菊信遲冷蕊坼猶小畱待展重陽晚節香  
莫早老僧前款客淪茗苔石埽示我松杏圖前輩多摘藻  
當時方外交大雅相傾倒選佛與選官妙旨獨了了壁有  
侍郎詩雄詞壓郊島如聽山陽笛惆悵風流渺

謂山陽阮  
吾山先生

古來賢達人登臨迹可考勝地或增重鴻泥閱時杳所以  
柴桑翁一巾漉清醪吾廬去寺咫尺巷僻過從少不醉且無  
歸不速客更好二仲獨後來檐月白于曉此樂逾黃樓况

在長安道卽事飈館吟雁聲答雲表

十一月十一日雪後碧山春漪約遊陶然亭余以事

不果往午餘過玉竦橋得四絕句



幾日望雲思雪意江亭有約雪晴初知君遲我憑闌久玉立西山畫不如

陳合湖光岸轉遙西風重戴馬蕭蕭一枝白塔一繩雁人在斜陽玉竦橋

纖埃盡淨五雲端雲白疑花花未殘多少樓臺皆近水不知天上更高寒

偶然小住望煙波官裏身閒半日多更與諸君話鄉國矮梅花下一漁蓑

臘月二十二日雪中入直 文淵閣校四庫書作

昔年曾作校書人 西苑荷香柳影新又向 天邊紉玉

府恰逢日下灑珠塵輕寒不散芸編藪豐澤先滋麥隴春

清愛堂集卷六

九

獨有謝莊衣似畫印床扇後未閒身

小除日過法時帆學士

法式善

詩龕時方輯詩話并

出近作見示

百事不挂眼臘尾厭塵事尋常沽酒買花債縱有謬臺那可避且復訪詩人城西十里驅車至門清似水屋似舟老樹疎籬好位置爲我掃逕開詩龕四壁琳琅列以次近時風雅稱甚盛惟先生樹騷壇幟韓豪島瘦皆搜羅至寶紛陳五都肆集成頗足張吾軍宏獎陳人少軒輊盡日讀不輟撚髭安一字著手卽生春往往見佳致冷雲滿硯冬之餘大好閉門覓詩思宛然一卷冰雪文三復未終心已醉莫言北地少梅花如沁寒香得花意

壬子元旦試筆

以下元  
點困敦

暖入初韶第一風非烟糺縵日華東

八徵益壽疇陳範萬里宣

威嶺挂弓

時征廓  
爾喀

家慶春重花甲算

恩光秋到葉珠宮和湛棣鄂平安竹都在高堂燕喜中

正月三日喜雪

臘暖三白淺春遲十日催又霏新歲雪如剪故園梅僻巷  
不須埽冷雲還作堆唐花香滿室莫放翠帷開

佛手柑十韻

一握香微妙飛穰種若何不須開薜蔔于此證兜羅霜豈  
梅林染秋從海舶過拈來花欲笑指後月舒波色映眉黃

清愛堂集卷六

十

喜莖承掌露和有文垂寶相無礙照曼陀迦葉原非想柔  
蕙或自佗正如金粟現莫共綠橙搓古冊薰班馬芳瓷薦  
汝哥清芬參鼻觀春比洞庭多

春明踏燈詞八首

紫陌遨頭料峭寒試燈風起凍泥乾纔交上番梅花信開  
徧朱門小牡丹

畢竟春遲爲閏年柳條黃淺不多煙紙鳶乍得東風力却  
借吹噓送上天

絳萼紅蕤綴折枝錦鱗碧藻軟琉璃鈿車買得春多少柳  
巷南頭歸去時

花兒匠住草橋隈寒谷能令暖意回豆莢黃瓜好顏色一



時齊送咬春來

燈市黃河九曲藏

黃河九曲燈見帝京景物畧

精忠廟裏暖焚香樓臺

烟火明于晝歲歲春宵拜鄂王

掉尾燭龍舞更明太平鼓是太平聲天街不夜月如水人在大梨花裏行

走橋微倦石闌凭屣響弓弓怕踏冰畫出軟紅風月景香車寶馬盡成燈

人海何人訪赤松神仙只在白雲封上元晴色連燕九吟得春光淡處濃

壬子正月十四日慈壽花甲屆周兩峯山人爲寫萱花圖題款書作七十余心喜益壽吉徵謹系以詩

清愛堂集卷六

七

遙望南雲喜一家好風吹放北堂花山人畫卽壽人曲添幅大椿同歲華

吉語非關有意求恰緣誤筆當添籌愛他三五宵前月長照花間雙白頭

佛手相之作同人者和者甚多前詩意猶未盡疊韻一首

春生宜著手共和喜羊何選佛場邊種柑席上羅不然平蒂美若箇散花過妙諦叅優鉢分題摩衍波屈伸甘露灑膚寸大雲和此相殊仙掌會聞現母陀卽空空卽是非指指非他冷比梅英嚼纖看柳綫搓形形超色界采采倩僧哥疑值繙經罷香巖合十多

上已後一日盆盧雅集值微雨兩峯山人先至作畫  
戲成一詩以速同人

漠漠潤花雨吟朋遲未來山人一兩屐深巷破蒼苔潑墨  
興不淺片雲詩更催黃鸝頗三請容易夕陽開

是日同人分韻二首

執蘭期已過煙絮曉紛紛春帶西山雨人從東野雲苔岑  
契終古水竹喜平分卽此載觴詠因之懷右軍

羣公官相訪畫出小林扉人海靜于隱野花開不肥東風  
長書帶寒碧上簾衣吾愛吾盧住城頭濕翠微

題黃小松司馬易看碑圖

黃君愛碑兼愛花碑版照耀紛天葩每從凡將爰歷推點

清愛堂集卷六

三

畫快於批紅判白窮根芽搜索龜趺牛礪角或山之巔水  
之涯譬彼遠梅移健步古香浮動文橫斜辨隸與科披倒  
薤鸞飄鳳泊龍螭拏有時購買縑繪到斷缺如霧裏看顏  
色慘淡猶含嗟突過千花墨花豔雙瞳翦水非麻茶駐馬  
率更令遊仙蔡少霞展黃庭經趁姿媚識碧落篆無聲牙  
何如晴窗晝靜試響搨絕勝成蹊桃李分畹蘭蕙芩花耶  
碑耶是一還是二讀書牀畔春風奢君今治河用經術餘  
事石墨鐫其華筆印印泥錐畫沙論定金石不使豪釐差  
看花看碑樂莫樂得兼魚熊二者夫何加君本馬廐種花  
藏書家

瓶中桃花



花時多半春陰黓貯以清泉瓶是膽美人只合在簾櫳絕  
豔粧成宜淺淡餅樣偏宜寫折枝疎橋紅紙映叅差蜜蜂  
胡蝶相回避生怕東風作意欺

春陰

濛濛花外雨吹不到簾波山影正如夢春愁何處多茶煙  
颺禪榻柳色帶漁蓑寒食江村路吟鞭畫裏過

寓舍去崇效寺半里花時晨夕過之

愛吾廬好趁花時地接芳郊得自怡千萬買來鄰寺近三  
分春爲閨年遲海棠淺笑丁香結社燕交飛午蝶敲晨夕  
經過幽興熟東風微拂鬢絲絲

清愛堂集卷六

七

向朝朝暮暮看無雨也憐如許艷餘春畱得不多寒山僧  
會我流連意又約邀頭賦牡丹

題羅兩峯山人出牆梅花兩面畫扇姚春漪孝廉索

和

詩中有畫畫中詩姚合羅含各好奇牆角月稜牆背雪一  
梅花作兩邊枝

春漪招同人桂隱齋雅集分詠端午節物

角黍

但索長安米因何束縛之久諸搏黍味莫唱采菱詞品重  
露圭角香清羞粉糝勸加餐賴爾問俗楚人知

櫻桃

春鶯含未了紅到酒痕邊樊口淺宜笑唐梯輕摘鮮故鄉  
微麥候此地上蒲筵一昨蒙雨燕至坐蒲更久同烟

宣賜香分

玉案前

石榴花

相對客非熱獨憐花太紅防他茜裊妬仗爾綠雲籠漢使

仙槎後炎官火織中珊瑚手親碎畱得石家風

一尊暑菖蒲

厥草亦油油引年非遠求清泉環白石翠帶屈金鈎漬以

一尊滿攜之九節脩自從昌歆嗜加豆豈常羞

白雲樓在墨雲中一夕涼霏草木叢喜爲蒼生得霖雨肅

清愛堂集卷六

十四

將 方澤應薰風有秋巡野農先慶後夜

升香暑盡融翦燭西窗清景共愛聽殘滴響疎桐

題友人槐陰讀書小照

清風先秋掃殘暑一寸槐花積涼雨雨憲展此槐陰圖科  
頭抱膝見吟侶偶因小紉坐閒暇衣上綠雲霏滿塢不知

萬蟻戰正酣但覺潛虬姿欲舞得時秋卷從人忙君也著

書方閉戶蒼蒼槐市太學古細讀石經摹石鼓

暑疾旬餘石農見過驟雨適至坐話良久同賦

恆陽暑久蒸入秋已半月亦有雨淫激莫洗塵燥掘我時



正呻吟膚汗脚不韞麥麴山鞠藭去疾那能忽故人排闥  
入待之乏典謁畧問無恙後快論早汨汨墨雲壓檐低颺  
輪來也突俄頃屋瓦鳴飛灑滿林樾直如天紳垂其勢頗  
未歇雨隨舊雨至清氣沁到骨庭前花木欣焦枯生意勃  
綠陰散古槐書堂開十笏且復甃茶瓜未及旅肴核煩襟  
一以埽若對冰雪窟君言王官谷嵐氣半明沒賞雨茅屋  
中表聖詩品揭我憶白沙隄烏呼泥滑滑晴湖不如雨故  
諺有之曰杭諺晴湖不如游雨  
湖見明張合宙載同媿草堂靈關山渺難越  
長安近索米出入倚蠶歷卽今畿南早無禾覘野蕨流民  
飽

聖德萬億京倉發幸歌甘澤謠曷歸理耕袋造化信仁慈

清愛堂集卷六

五

如飲水救暍亭宜喜雨名才豈愈風竭一雨一番涼涼風  
可晞髮期君河朔杯秋荷方醅醇

題法時帆學士瀛洲圖

我生合住兜率天有夢不到蓬萊巔蓬萊幾見水清淺臨  
之風引時迴船彼浮邱袖洪厓肩吹笙子晉亦少年必於  
鸞鶴絕迹處散仙乃是眞神仙仙者一粲啓玉齒云昔采  
藥隨僮伶紅塵小謫事偶爾天台重到寧無緣多情劉阮  
舊曾識桃花流水今依然山中歲月堯甲子龐眉一老如  
枯禪不死藥卽不朽業琴音大海移成連洞門蒼蒼冷雲  
鎖誰其至者圓嶠圓閩風承霄青琳宇豈徒毫末分清妍

願如唐世閭立本瀛洲圖罷圖凌煙

題時帆詩龕聯句圖圖爲兩峯

文字之交淡最眞本來無著卽天親友如花果因緣舊詩  
助烟雲供養新靈運原爲過去佛彌明可是世間人輸他  
吟思清于水出淥波蓮見古春

是日兩峯時帆同  
游積水潭賦詩

積水潭消暑之會余以事不赴時帆仍索賦詩卽題

兩峯畫卷後

生長湖山曲見水輒心喜都城西北隅有潭曰積水水源  
出西山十刹海其委雲帆轉吳杭元運直到此築城流乃  
截自徐武寧始估客船不來漁人網集耳我昔曾一遊秋  
水清不滓傳是蓮藕鄉盛夏花更美花與水無窮接天香  
渺瀰柳外簟可安蓼邊舟可艤攜手追涼風吟瓢期料理

清愛堂集卷六

六

云何有嘉約竟或尼之止得非作詩苦聊用避債擬迺以  
詩示罰金谷例難比我詩拙復遲片雲催不起挂名雅集  
圖後遊續諸子細讀畫中詩花氣尙盈紙遠夢繞西湖荷  
花三十里

初秋種花雜興

賣花人喚一聲聲曉色纔分聽得清猶有牆陰餘地在買  
栽何必盡知名

老圃秋容也足誇一般整整與斜斜東風管領閒桃李我  
愛山中本色花

儻約新添一語嚴損花顏色井華罽瓦盆畱貯秋前雨每

日澆宜落日銜



膽瓶亂插亦鮮新爲翦繁枝割愛頻一蝶飛來一蛩語初涼天氣最撩人

雨疎疎又放斜陽籬落嫣然細碎香如此傳伶眞絕艷美人原不在濃粧

李容堂同年

驥元

晚過盆廬賦詩見贈次韻酬之

深巷秋林曲疎燈晚院中新涼因小雨好友似清風湖海知心幾琴尊託興同流傳雲棧句

君近作有雲棧集

不信作詩窮

勾留宜竹檻穿坐此藜牀到輒停車久談還聽漏長工文麗以則入世醒而狂剝啄門如水槐花若箇忙

題詩龕銷夏圖

薄俗貌風雅每乞丹青能人寫行看子圖成詩更徵山水

清愛堂集卷六

七

及花木取意虛無憑題者亦牽率徒闕剡溪藤梧門老詞伯說詩最上乘結廬水竹間往往招吟朋有集必有詠擅場佳句稱因詩而作畫雅集圖又增蘭亭與西園百世如風燈視今猶視昔繪史傳頻仍此圖皆實境一龕淨於冰綠陰不知暑老樹交鬚髻詩人清涼界何如結夏僧

雨後

秋在小籬落數峯山向西雜花涼雨潤歸燕晚風低覓句且謀野看雲還過谿稍聞流水活蔬甲綠分畦

晚涼

歸雲幾點雨洗出一天秋池樹鳥初宿風簾螢自流懷人邀笛步憶事曝衣樓又是新涼候娟娟上月鉤

兩峯畫醉鍾馗像戲題以句

六經但言終葵氏馗乎馗乎誰氏子或云進士或隱士乃  
審厥象紛繪史小妹已嫁情無牽南山獵回霜滿天此時  
正可飲一石麴車載鬼移酒泉醒不能獨醉亦得多少扶  
持藉鬼力雖然相背肯相妨真面目難分白黑畫一背面  
小鬼老馗  
倚之  
以行

銷寒詠物二首

炭盆

莫與冰同器生盆一樣春瓶盆宋時  
亦呼生盆圍宜當此夕熱自不

因人越炭徵名舊唐花得氣新安排茶具好衝雪買烏薪

范成大詩筠籠  
衝雪送烏薪

清愛堂集卷六

六

桌瓊

坐客寒無此才名三十年平鋪函丈近半割故人憐自昔  
共其毳于今度以筵小齋餘舊物長伴聳吟肩

陳黻堂丈

廷訓

八十壽詩

以下昭陽  
赤奮若

巨手文場老斲輪孝廉船合載經神齊名盧駱當時侶認  
取靈光賦裏人

少日曾沾綺麗波閉門覓句未云多乞漿得酒歲逢酉三

十七年前後科

先生登辛酉賢書余以丁  
酉舉于鄉相距三十七年

扶鳩豐饒到脩門千叟筵開更拜

恩畢竟清香分畫省太平風月與評論

春入湖山錦洞天德星朗朗壽雲邊百花頭上芝蘭茂好



倚莊椿歲八千

雙祝齊眉喜滿庭  
昨辰周甲記初經  
先生初度爲首春十日也  
他家慶如翁慶翁又同時介百齡

題吳春林表兄純空山行乞圖

與君一別七年竟  
君到春明我方病  
時余危病甫愈  
憐我支離太

瘦生訝君鬚鬢霜  
華映執手不暇寒  
暄詞首問高堂  
眠食

慶次言生計總勞  
薪爲客栖栖憂恹恹  
示我空山行乞圖

飢來驅人句重詠  
我今亦苦久繫匏  
違侍晨昏缺温清  
脣

壽方齊介鶴齡頭  
銜縱換仍鷗性  
負米何如索米難  
羨君

菽水承歡正未是  
山林獨往時春秋  
佳日慈雲淨線密  
看

紉遊子衣程遙且  
却諸侯聘他年我  
早遂循陔杜老長  
鑿

清愛堂集卷六

九

同託命

偶作

一雨新涼五月秋  
畫簾垂地晚庭幽  
綠陰坐夏添鄉思  
清

夢聯牀又別愁  
時四弟南歸  
且爲嬌兒鋪竹簟  
恰教小婢理香

篝調冰雪藕年光  
好斗酒惟應與婦  
謀

漪園先生移居次韻

人海深藏歲幾更  
巢痕回首上林鶯  
雙輪緩載琴書去  
三

徑涼從樹石生古  
佛試叅隣寺相  
所居近晉陽菴燕都遊覽志云菴有古銅觀音

像其款云尉遲敬  
德監造秋蟬又送  
別枝聲移家圖好  
同時畫我亦行

窩接葉成  
余方移居半偈衛衙在接葉亭之北

賞菊次漪園先生韻

一昔西風未折膠乍看木落露寒匏淡無言處人如畫秀  
可餐來園有看秋色清華容寄傲晚香滋味耐論交凌晨  
好更疏泉灌運甃光陰莫浪拋

題侯竹愚

坤 墨菊壘前韻

墨暈常和劍脊膠

宋常和造 墨名手

一房山似隱於匏傳神太瘦

眞秋士薄采餘馨當夕看籬落已分高下勢簾櫳不隔淺

深交圖成欲補錢郎缺細寫柴桑景未拋

用錢舜舉畫歸去來圖少却三

運就荒松菊猶存一段柴桑景語意

友人乞題亡姬小影以詩廣之

昔有鍾情人傷逝頓增疾念彼嬋娟姿惘惘若有失槁木  
而死灰和緩試無術達士進一言令其思之悉請從舜華

清愛堂集卷六

二

年預想花甲日朱顏旣以彫白髮忽盈櫛老子與婆婆可  
似舊膠漆聞者病良已七發所未述美人到中年有美已  
難必不如妙齡死未虧此昭質灼灼初開花寫入春風筆  
更賺多情淚爲滴愛河溢彥回中書郎固是名士一此圖  
將無同追憶瑤情密歷歷往時歡下九及初七期君翦柔  
絲屨却故錦瑟

題梅村圖圖爲黃小松筆

七年不到孤山麓眞是七年不見春疎影暗香誰寫得詞

人黃九我比隣

老屋散花灘上住水邊籬落嫩寒時只因訪友尋詩出忽

見溪橋雪一枝



先生家近王官谷夢見羅浮月一痕細嚼梅花清到骨絕  
無烟火也成村

朱貞女詩

朱氏有貞女家近黃金臺郎曰徐士琳許嫁笄年纔未嫁  
徐郎死一慟崩城哀生不識郎面夙諾終身縗舅姑茹荼  
苦老父霜鬢體婦職與女職白璧無纖埃猶子以爲子泉  
下知顏開水齧徐郎墓陵谷成疑猜遂作招魂葬胡蝶飛  
紙灰同穴亦已矣此事傷心哉蒼蒼女貞樹精衛時去來

唐花二十韻

忽看繁衆卉真箇轉陽和名以唐封擅時維漢臘過丸泥  
先蘊火接葉復交柯密窖深排葦陳根淺撥莎鴉鷗鋤輝動

清愛堂集卷六

主

月羯鼓點衝波暖信移盆盎寒威辟磗阿能教開頃刻漫  
說意婆婆判白批紅慣生香活色多莫臨風剪剪正舞雪  
嗟嗟天豈栽培獨春如漏洩何迷藏鶯與蝶叢雜綺還羅  
映日三分媚烘霞一抹拖朱門芳早賞翠幙凍頻呵茶鼎  
微鳴蚓苔峯淡染螺此中宜位置上番且延俄有脚蒸蒸  
氣遨頭緩緩歌吐芬聊復爾附熱匪由佗種玉期成樹銷  
金別作鍋故園勝近馬巧匠郭名駝欲問梅花信須營安

樂窩

清愛堂集卷七

仁和 魏成憲 寶臣

雲樓小草下

元夕法時帆學士招集詩龕余以事不赴時帆仍分

韻索詩

以下闕逢攝提格

樹繞羊燈月在門風光想像米家園分無竹葉傾三雅夢  
到梅花別一村佳日春秋良會數素心長夕故交論吟壇  
今歲今初集長慶追尋白與元

題關敬亭墨梅

鐵線圈兒鐵幹遮墨痕浮動影橫斜一枝堅瘦春如許遠  
笑荃熙沒骨花

清愛堂集卷七

一

儂家買斷渚中渚籬落水邊鋤月明爲被一番微雪壓冷  
香添得十分清

方茶山比部

體

索題秋菜小景便面

滴翠鈿花微作態夕陽時節蟲聲碎籬落秋光似水清撩  
人鄉夢東門菜

四月二十四日

恩賜扇三柄恭紀

摺疊痕開一握同底須蟬雀畫論工暑消人海蒲葵外涼  
散

天厨櫻筍中可是三珠承

湛露最宜雙袖引清風



心齋無逸南薰殿萬井揚仁雨自東

時方祈雨

愛有微涼殿閣生傳呼黃紙早僉名攜來

天上鑪香滿擁去人間樾蔭清細葛曾叨珠笈

賁前校文源閣四庫書蒙賜紗葛舍桃頻向玉盤傾與試殿屢賜櫻桃

從今篋笥緘

恩重

定論還欽證五明伏讀御製五明扇說以闕四門爲證足訂古今之誤

雨後同張夢草暉吉潘畏堂奕藻遊萬壽寺

曉雲擁輕雷急雨瀉簷瀑颯然清風至雨息雲待族循湖  
款禪關日影漏林麓有山土戴石紆徑往而復長松六七  
株落陰翠如沐白皮蒼髯翁古貌好奇服彷彿商嶺皓離

清愛堂集卷七

二

立向盤谷期我歲寒交消受清淨福選勝得少閒素心淡  
於菊况茲初晴佳幽鳥正相逐溪流澗澗鳴隔岸響琴筑  
指點麥莊橋一犁烟外犢

五月二十三日

賜荷包一對恭紀

紫荷囊好記嘉名又被

天家晝繡榮結綬雙垂金絡索穿花小隊玉鏘鳴曾誇魚  
袋殊恩賜尚想鴛針細意成從此不須裁古錦紉蘭風味  
本來清香

爲慶佑之比部慶保戲題畫鴨

春江綠淨色如此水暖先知花正開生怕鴛鴦驚便起教

人切莫打伊來

津門沈氏樂節母壽詩

涼風慈竹秋堂清琴彈寡女絲一聲絃絃掩抑細如訴  
淒霜冷後春暉晴奕葉清門惟問葉沈郎遠負經師笈爲說  
寒灰畫荻時早年孤露親經涉孤露全憑母氏劬殘書手  
澤淚模糊幾停夜績挑燈黯纔辨晨炊脫粟麤鏡影釵痕  
都謝了半生只集江邊麥地老天荒井不波鳳凰飛上桐  
花小喜見瑤池小鳳皇學勤爰歷搜凡將補就南陔白華  
句更徵彤管之三章卽今萱壽周甲子祝嘏高文一何綺  
送喜烏傳反哺心柏舟詠績而康矣太乙乘蓮及此辰八  
琅節族叶浮筠日邊已奏雲五色寶婺光華粲木津

西愛堂集卷七

三

贈何蘭士水部道生

緣深文字最難忘館閣神仙遠擅場慙愧麤官餘本色白

雲司與水曹郎

諸公皆歷官館閣余與蘭士獨以部曹通籍

四上公車往復還君年正我報春關

蘭士年二十有九正余捷禮闈之歲

青衫尚有當時淚切莫枯桐信手刪

卵石料是向隅時筆底花開瀟歲遲

謂敬甫弟難得君家好兄

第一雙玉尺兩針師

令兄硯農同與是役

五年重聽鹿鳴笙舊雨巢痕認得清

蘭士爲陳皖青同年入室弟子余今年占

房卽己酉秋

關皖青所居話到淵源添鄭重菊花杯約寫離情

關中余與宋君

章浦皆出筠心先生之門蘭士昆仲亦門下門生也先生將以九月歸里故云

初十夜枕上聽雨作



秋陽蒸餘炎鎖廳愛宵集三更乍成寐螢火窺簾熠忽聞  
飄瓦聲殘夢到蓑笠空庭無芭蕉蕭蕭打窗急泉如漱玉  
鳴雲想翻墨汁那辨衆籟喧陡覺涼氣襲今年闌暑期霖  
潦積原隰使者數發倉坐見茅檐給快晴幸連旬金馭序  
方入及茲復霑灑棲畝穗可拾田家四時占風五而雨十  
惟盼朝曦開煦彼林木濕不然席帽人矮屋愁露立

有懷舍弟敬甫

敢誇眼似鏡重磨累爾遲登早歲科玉筍爭如前度好槐  
花又是一年過名高隨卞知難掩事到參商悔孰多但盼  
鄉書傳吉語秋天鴻雁上雲羅謂南闈諸兄弟

和闕峯司馬寄懷令兄冶亭宗伯元韻時宗伯典試

清愛堂集卷七

山左

春風人坐屋西東又見珊瑚出網中絲柳分陰千里碧燭  
花雙照一簾紅駿圖飛電金臺重蜃市摩雲鏡海空三輔  
三齊卿月朗文光夜夜吐長虹

校文之暇方葆巖中丞維甸述臺灣及西藏風土因

懷范叔度郎中整楊荔裳觀察揆

赤嵌以外春四時瀛壖土沃皆陽陂年光餞臘不知冷山  
寮紅紫花參差石榴金粟桃李杏吐萼各趁寒梅期歲朝  
圖中畫難并玉帳一一供軍持龍蟠鳳舞馬膝法燕臺巧  
匠空爾爲人間絕艷好顏色那令瘴雨蠻烟欺雞籠峯高  
雪消盡風信第一翻牙旗

青海西頭太古雪相輪無風鈴語徹其俗閏月復閏日居  
人獨重元宵節元宵值閏佛光明大地回寒春漏泄銀花  
火樹尚宛然月宇冰天共清絕傳是唐朝貴主貽穠李經  
今猶艷說踏歌聲裏凱歌聲夜破崑崙無寸鐵

海南疆遠針路肅破浪乘風同范叔熱索橋邊劣容趾熱索

橋爲廊爾  
喀險隘處束馬懸車共楊子二君磊落抑塞之奇才十年

相識舊雨來蠟書刺閨墨磨盾勒銘先後班師回太平脩

文早偃武棧閣峨眉雙負弩玉衡校士使星明謂叔度露冕

觀風英蕩輔謂荔裳祇媿毛錐手自義談兵猶是怯弓蛇秋

堂賦罷懷人句魚眼松風夜品茶

上竇東臯先生次葆巖中丞韻

清愛堂集卷七

五

文星海內靈光殿萬丈龍門峻莫攀相士品躋公輔列宗  
經論定異同間曾傳雅頌中和職久託雲霄供奉班畿甸  
卽今秋賦盛空羣真賞絕人寰

趨庭問字傳衣後心溯淵源幾度攀公典學浙中家大人  
以文字受知成憲幼

受學于舅氏竹堂先生禮部試出笥  
心先生之門並忝門下門生之列幸侍棘闈榮日下及

窺藻鏡豁雲間別裁僞體輕盧駱細讀高文重馬班漫道

感恩於越最栽培已見滿瀛寰

約同人中秋觴月於會經堂下並東監試王葑亭給

諫友亮

人生臭味難乎諧同岑何必非異苔偶然合并夙緣種况  
乃選佛場初開文昌風景好領略二十二人翩翩才監試  
收掌



分枝凡二紙窻燈火互吟荅朱衣現影今宵纔清風吹空  
十有二人紙窻燈火互吟荅朱衣現影今宵纔清風吹空  
雲四卷長安雨洗無纖埃平分秋色一輪滿海宮浴寶明  
珠胎無花那更少絃管有月曷不聯尊曩神仙高會疑蓬  
萊魁星幾輩階連台人間佳節此良夜鄉心夢繞關山回  
秦晉吳越渺難度溟池庾嶺通燕臺謂同人鄉里文章報國慎  
職役豈徒桃李誇親裁談經論史更說鬼豪氣欲潑春江  
醅古來風流勝賞地惟有達者能傾杯南皮冠蓋集吳阮  
梁園賓客延鄒枚何如我輩相追陪願親風雅僞體裁餘  
事詩人亦可作靜聽銅鉢聲聲催直須轟飲竟到曉林鴉  
翻動天街槐爲語西莊王給事莫便脩竹彈蕉來

月餅

清愛堂集卷七

六

團圞看入手端正恰當頭餅合此宵說月從何處脩但供  
名士畫不隔美人愁愛有紅綾燕乘槎路可求

中秋晚雨不果觴月之約和葑亭韻

準擬飛觴同醉月偶因聽雨却題詩良宵風景依然好來  
日陰晴那可知清影最佳雲影破秋聲初動漏聲遲秦淮  
燈火關情甚定唱王郎絕妙辭是夕談金陵之勝葑亭舊有金陵雜詠一集

十六夜同王葑亭劉澄齋錫五玩月作

青天不夜中庭白萬里清光分外新積雨收時秋境界浮  
雲披盡月精神可如明鏡空纖翳肯羨仙槎遠問津好景  
流連杯在手不須對影已三人

古詩一首贈葑亭

夙昔誦君詩時未識君面冷到美人心好語賦秋扇名如  
鄭鷓鴣階合都官轉我亦典右司

余初入秋曹與野亭同  
官直隸司卽右司也

衆中乍相見果然磊落人手布祥和徧匆匆我告歸君遲  
一尊餞聯吟柳絲句寫出離情戀再到閱兩年重認西曹  
揀于公樹陰德溫舒戒鋹鍊諒哉古人言此職慎呵謹惟  
君何李才清望世所羨題詩白雲樓晉秩金閨彥霜橫峻  
烏臺夕拜肅蟬弁太平封事稀諫紙敢輕繕而我尚爲郎  
十載驚過電昨歲又左遷尋巢恨歸燕喜見王陽登槐忝  
禰衡薦况今

詔闢科與賢崇首善藹藹集經房于于來鑠院葉響喧蠶  
聲花開酣蟻戰燃殘燭三條校列文萬卷眼或五色迷金

清愛堂集卷七

七

或恆沙揀珠倘闇裏投淚必勝前濺寸心抱區區求士在  
博選豸冠繡衣人啓閉謹晨晏得君領袖之大小雅才擅  
雄談徵奇聞瑣言雜鄉諺金波夜飛觴玉漏曉催箭匝月  
歡未闌舊雨情彌眷佳辰屆重陽籬菊寒峭蓐有約共登  
高西山青一片

葆巖中丞以疊韻近詩見示次韻奉贈

驚才一代秀江東人誦清芬節府中視草層霄泥映紫看

花三月露霏紅奇觀雲海靈鍾質絕域繩橋險架空

謂席  
爾喀

之共是歐陽門下士

先後出定圃崑  
園兩先生之門

高軒早賦氣如虹

投筆會經滄海東只今卿月麗霄中鳳池難得脩翎翠鹿

港猶傳積甲紅

謂從征  
臺灣

徽外銘勳金寫象日邊角藝鑑懸



空奎堂蟻戰初酣處澄碧天衢彩絢虹

秋陰

地偏微過雨天淡恰宜秋斜日瘦如此孤雲涼不收試茶  
翻蟹眼下筆辨蠅頭惜少疎疎蓼沙邊著箇鷗

龐鹿園檢討

士冠

力疾校文得士頗盛戲簡二首

龐居士現宰官身丈室維摩示疾因無著天花花更好門  
前桃李十分春

秋簾相對瘦於僧如水心空一鏡澄此意真令寒士感麻  
茶倦眼夜挑燈

筠心先生將於九月初南還闈中賦詩恭送卽次歸  
田述懷四首元韻

清愛堂集卷七

八

願篋經尋舊夢饒當時垂手荷清香瓣香十載公門列別  
酒三升祖帳邀蓴菜秋風頭易白桃花春浪尾曾燒離亭  
捧袂成遙憶纔隔重簾憶便遙

海內詩名四十年爭看神妙到毫顛雙清物望金莖露萬  
斛文源玉局泉紫禁頻歌才子句青山重續故人緣

賜書載向舟如葉直挂雲帆去灑然

歸裘未辦買山金回首觚稜歲月深西域開疆圖示掌

西域

圖志同文志皆  
先生一手編纂

南湘建節士傾心

典學湖  
南四年

人推芸館風流

遠春在花磚日影沉萬手傳抄題壁詠憑誰解和郢中吟

先生有遂平王氏園  
亭題壁詩當代傳誦

畢竟還鄉水到家關心生怕別期差但循繩墨傳師架敢

信梗楠廣國華秋榜恰逢佳節序九日晚香只戀舊根芽  
迢迢吳樹情難盡莫被飛雲隴首遮

題畫菊

平生不寄閒籬落愛著霜華傲可知賞徧春風桃李後人  
傳晚節正香時

薦卷

凌秋一鶚上晴空此地先論薦士功我已披文如水母人  
原啓事望山公引鉞漸喜孚磁石轉船翻愁遇海風記得  
少年頻罷耗賞音聊寄濫竽中余房卷呈薦最多

落卷

翩翩木葉已辭柯紈扇西風篋笥多殘淚曾彈和氏璧餘

清愛堂集卷七

九

暉猶駐魯陽戈情如中酒誰能遣春到飛花可奈何祇媿  
十年書未讀遺珠難說盡搜羅

撤棘前一日次朱章浦編脩絳見贈元韻

連旬辛苦辨金沙坐接春風靜不諱奎堂校文坐次與章浦相亞幸以

蒹葭依玉樹好將菅蒯備絲麻關心冀北千羣偉冷眼終  
南一徑斜草創九還丹已就隔簾先賞手栽花

重九日揭曉用前韻

化雨由來本聚沙權衡雅正掃浮譁一番爲種連蹉桂多  
士須扶自直麻品藻共推冰鑒朗評量每到斗杓斜快晴  
天爲文光助是日新晴及看登高晚節花

田鐵舟太守繼許惠一贏余索贈所藏善本書意未



允也戲簡以詩

一幅驟綱畫不如從今穩負短轅車繞朝贈策分明在讀  
律須知勝讀書

愛惜障泥却不前看人箇箇著先鞭一甌莫更殷勤借生  
怕真成食字仙

穀人寓齋消寒雅集賦醉司命辭分體得四言

老物屈息春草未生委巷擊鼓送臘聲聲于時塗竈俗叻  
汴京天高聽卑司命合行厥神名禪字日子郭軒光實司  
用巫紛若主人有誓是今非昨神朝帝所愬可約略十年  
京國祿耗太倉釜虛嫂轅鯖合俟嘗豈爨下材遇蔡中郎  
豈富家吉爲陰子方不知所媚滿甌塵揚身是勞薪職慙

清愛堂集卷七

十

負米夕膳晨餐天涯游子剪髮畱賓餬口與弟一門數竈  
我知免矣有兒跨之天吳稱體有婦祭之燔柴脩禮屢屢  
伏雌今猶昔耳字不可養突不得黔紛紛甲第梁肉皆厭  
人間烟火乃累壘鹽故園春早梅花滿簾炊秬釀秫醉飽  
豐年云何畱滯俎越庖前不因人熱是炙是砭凡此之膏  
悉數乃畱天有耳乎其將戎尤神具醉止以銷煩憂一爵  
二爵三爵油油膠牙飭買卷舌星周銅童紫官餘瀝若流  
爾惟麴蘖予取予求司命上天卓然五斗踞觚聽之吉語  
時有頽乎其間主人自壽破除萬事無過于酒

一 早春過伊墨卿齋中

以下游  
蒙學闕

暖風扶綠上庭柯深巷南頭步履過花韻有情邀石友茶

烟無迹泛簾波浮沉仕宦名須惜消受聰明福已多又是  
一番春物換商量酒賦與琴歌

送屠笏巖刺史

神還滇南

美人有色書有味好色好書古豪氣寒宵半臂紅燭紅九  
百虞初太詞費已傳脫略到公卿况乃風騷凌漢魏時論  
同推手筆大才名不換頭銜貴當杯重聽滑稽雄折柳青  
青歌唱渭更攜燕玉伴郵程春滿日南花未

送座主茅耕亭先生假旋觀省

暫許循陔願萊衣宮錦新

天高前席近江暖一帆春鶴算添無量烏情曲已陳輕軒  
扶緩緩桃李護慈筠

清愛堂集卷七

七

舉罷珊瑚網人傳畫繡歸門承通德舊船載

賜書圍待續朝

天集重初游子衣廿年門下士心亦繞庭闈

題文五峯潯陽夜月圖

江心月白四絃秋楓葉蘆花淡不收小別那堪今夕醉左  
遷未免去年愁美人老大憐初嫁才子飄零悔壯游却爲  
知音雙淚落啼紅無夢到粧樓

送胡果泉

克家

觀察粵東次何周溪

夢蓮

韻

同時秋賦露英英畫省含香望益清出岫白雲霖雨作珠  
江如練繞心旌

星使會浮貫月槎

謂典試粵東

擬將秋實與春華猶畱食葉蠶



聲句粉壁新籠有碧紗

斑衣裁作繡衣時送喜慈烏喜可知難別春明惟舊雨琴  
心三疊訴將離

人推風雅儕何李我感交情重季原獨有韋絃當贈策心  
紉爲佩是蘭言

京兆闈中試卷未進同人互以紙素徵書馮玉圃給  
諫培賦詩紀事卽次元韻

三條官燭紅搖櫺月華如水澄中庭瀛洲仙人宛然在所  
期薛燭逢青萍萬卷未披小閒暇酸寒氣味殊齷脛陶泓  
楮生管城子各以嗜好勞其形譬蚓投魚蠹食字光輝新  
入文昌星松風蟹眼翻茶經寫竹一竿落墨馨人比玉界

清愛堂集卷七

三

尺文張雲錦屏昔賢韻事猶炳熒卽今隔院春蠶筆花吐  
那更入簾秋草袍痕青羣公翩翩鴻戲海顧我默默屢通  
靈池塘連夕吟夢繞萃鹿無分歌脊令四弟格于功且歛

蒿芽塗抹手恰喜雙清心迹雙扉扇

題李墨莊

鼎元

登岱圖爲黃小松筆

崇朝雨徧千萬里封中大雲膚寸起欲雨不雨雲如花絕  
頂蒼茫那辨咫攬身雲際者誰子西下峩眉謫仙李曾臨  
日觀登天門爲訪秦松覓漢時雲仙樂莫樂雲海空復空  
齊烟九點青未了元氣水墨淋漓中擅場畫手黃一峯方  
薰羅聘將無同蘭如兩峯並有登岱圖畫卷

索我題詩久不報盪胸生

雲語難到

十月九日趙味辛舍人懷玉招集寓齋作展重陽之會分韻

過了登高餞了秋銷寒故事又從頭  
花開酒地瘦于昨日到霜天澹不收  
五嶽前期共翕向比隣三逕有羊求  
重來飈館酬佳節好句應輸趙倚樓

題元人水村圖爲吳穀人宮贊作

若耶溪何點西塞山志和菱莊與蟹舍  
占斷此烟波

野鷗導我喚艇語鴨避人入闌真箇一  
無所事漁兄漁弟盤桓

十里五里寒無烟蘆花淺渚瓜皮船  
西風柔櫓雁聲外可

記江南黃葉天

清愛堂集卷七

三

題法時帆祭酒雪窻課讀圖爲尊慈太夫人作

路繞延芳淀當年此結廬  
雷賓供剪髮和淚讀遺書  
鶴警霜飛後烏啼月落初  
披圖重指點梧竹太蕭疎

覆露恩難述慈雲蔭可哀  
屋餘芟剝草心似撥殘灰  
喬木家聲繼崇蘭國幹  
培春暉何以報笑口對花開

槐市傳經日聲華重九能  
門深三尺雪官冷一條冰  
鱸兆今伊始熊丸昔記會  
版輿添繪史潘賦不須稱

元日早朝

以下柔兆執徐

古希周甲肇元辰

大寶承

天授受新八伯齊廣雲五色萬方長  
捧日重輪恰隴南極



輝狼比早測東風集雁臣喜起迎韶傳吉語

一家

堯

舜際皇春

夜過良鄉 二月十七日

雨絲都向雪花生此夕畿南第一程瘦馬衝泥吾敢惜豐年膏澤及春耕

趙北口遇南來計偕諸君

馬上相逢短後衣平橋宿雨尚溼人從席帽黃塵度春向烟帆綠浦歸水鳥乍呼泥滑滑征夫還唱柳依依憶隨計吏今重到十四年來鬢影非

自癸卯冬計偕過此已十四載

清愛堂集卷七

十四

贈亮金臺員外

亮保

跌宕襟期在前遊未寂寥玉關經出塞

君曾謫宦西域

桂海昨乘

軺前歲典試粵西壯志晨霞舉清談夜漏遙所欣心似水襍被共

蕭蕭

江南君未到細話聽吳儂城郭綠楊合烟波紅雨濃苔生隋苑井潮打白門鐘指點林端翠淮流轉處峯

大風過德州

春風鼓原隰盛怒土囊口堀堞爭飛揚奚止撲五斗盆如絮迷漫時未綠楊柳失笑隻輪車飽挂一帆走披襟誰爲雄相見暗隔手郵亭乍埽除征衣重斗藪安得微雨來流塵淨何有川容畫不如放眼清且瀏

禹城始見山色憶戊戌歲南歸取道經此

往轍尋思十八年東風飛絮落花天青山無恙曾相識依約齊州九點烟

受上漫成

輕裘原似葉星駕計程兼及爾猪肝累惟余馬首瞻齊歌清罷唱魯酒薄無嫌恰喜東蒙近朝來暖翠添

武五曉發泰安遇雨

二月二十六日

郵籤三十里燈火遠林間新雨作寒食大雲生泰山拆殘雞漸唱磴滑轍頻環欲解征衣濕居人尚掩關

望岱用少陵望嶽詩韻

巖巖極天峻登覽閱素王厥位主蒼震作鎮雄東方神次

清愛堂集卷七

五

冠羣嶽攸歆始升香云亭社首禪玉檢金泥亡感通在正直不在溪毛湘岱頂翠微合白雲擁其傍崇朝雨洗出石勢爭軒昂天門與日觀高下燦可望絨用大斧劈逸態還飛翔秦時松尚在鬱鬱飽雪霜安得九節杖獨振千仞岡元正大和會

壽字開明堂

授

受上儀舉秩祀唐哉皇百靈普馨德更紀封山祥

雨後山行

歸雲復成雨峯頂繚微白漏日氣稍暄墟里炊烟積水濱木末人筇确度山驛一曲涓涓泉幾稜青青麥



羊叔子祠

下馬羊流店言瞻太傅祠探環參慧業緩帶想風規豈有  
酖人事會傳墮淚時荊州開府日雄鎮愛長遺

蒙陰道中清明

淡黃楊柳弄煙晴行到蒙山馬足輕花底鞭絲花外舫江  
鄉佳節又清明

沙亭峪

欲盡不盡雲容容衆山邈也分岱宗勢如駿馬勒平阪沙  
亭峪截東蒙峯車聲班班勞者唱烟外驅犢呼村農此間  
或遇隱君子為問含景蒼精龍

鄰城道中寄孫淵如觀察

星衍

清愛堂集卷七

去

臚雲况是白雲司膚寸崇朝徧雨時近聖人居觀習禮多  
名土地愛論詩鄭元注裏春行部

君按部所經構水經注考證

倉頡圖

中昨問奇

君屬羅兩峯畫倉頡像所著有問字堂集

為過昔賢傾蓋處折疏麻

更寄遙思

將至紅花鋪三十里微雨乍歇桃李正開時行麥塍

間頗得野趣

滑笏春流一道斜青帘茅店兩三家鋪名最愛紅花好二  
月輕寒始見花

菜花

村村如繡路三叉消息東風老圃誇要使蒼生無此色須  
知綠野盡成花香根斲後畱餘種旨蓄豐來定幾家禾譜

農書曾細讀離蔬還愛話桑麻

三月三日淮上作

輕帆開葉葉喜上渡頭船襖洛剛三月踰淮恰十年曉風  
楊柳岸春雨杏花天髻影清如許滄波坐渺然

寄周蓮塘編修

聞道垂虹近買隣卜宅垂虹亭側好從笠澤訪詩人漠陰綴集追

柯古君占籍漢陽海上攜琴待子春時館上海高隴楸烟封馬鬣空

山松兩養龍鱗君方營贈公宦夢十年共證心如水愛惜文章報

國身

高郵雨泊

舟尾風燈隔幕搖那禁春雨帶春潮窅心暗逐淮南水送

清愛堂集卷七

七

到西泠第幾橋

文游臺古望空濛渺渺孟湖水暗通此地由來揚楚脊萬

家烟火暮堤中

住揚旬有二日文書堆案鎮日少閒友人招遊紅橋

辭不克往別後却寄

竹西歌吹揚州路况是良辰美景兼明月二分邀玉笛春  
風十里卷珠簾此行不爲花游到小住會無藥玉拈夜燭

官書纔了却抽帆曉漲一篙添

望寶應湖

舫棹八寶城春山露花缺飛鳥夕陽天湖光明似雪

使事將竣值家大人道出維揚喜獲拜見回權過淮



舟中侍奉數日遂辭登陸彌深眷戀情見乎詞寄呈

母氏

古人一日養不以三公易况乃望雲心紛吾十年積浮淮  
達于江駢駢此行役還鄉路熟經縮地卽咫尺豈伊不懷  
歸川塗吳會隔天默假之緣我父亦來客拜覲膝下時鳴  
咽喜真劇謂兒容較瘦軫兒事太墮坐看案牘勞但勉細  
擘畫首問母起居以次徧諸伯悉數到童孩卽事感今昔  
翻因燭花紅照見鬢絲白天涯風雨辰賓館團圞夕馳驅  
又做裝定省不煖席那忍遽言別水遞四五驛扶侍且登  
舟春帆楊柳陌推篷烟景佳怡顏眠食適徒觀廣陵濤只  
載鬱林石此意誨諄諄寸心箴脉脉餘話及園梅繞以檀

清愛堂集卷七

六

樂碧滋蘭地尚寬剪棘逕重關何當趁花開壽筭獻芳醪  
每日上水船暗祝石尤逆不奈津鼓催記里忽數百明發  
遂渡黃鵠網待執策牽裾色可憐馨膳情難釋檢點游子  
衣慈母鍼線迹親舍望漸遙王程畏孔迫家聲守清勤官  
職務膏澤慎旃祀帖帖詩心逐南飛翮

題魏春松官舫侍膳圖

錢塘 梁同書 山舟

十年隔庭闈千里奉顏色峩峩星使艦容裔邗江側長  
跪拜家慶鞠臚上飲食承歡同采蘭問事屢置膝天澄  
水不波煙澹日將稷紅旌颺深隈青葱矯健翼未敢稽  
王程且得盡子職小住慰望雲勞臣不遑息叱馭迫簡  
書牽裾感心臆流傳陟帖詩繪事謝雕飾未幾秉旌麾

南交馳熊軾仍逐雙輿來預戒養堂飭公餘侍起居庭  
誥勗清白梅花官閣繁夢草池塘碧迴憶錦帆開忽又  
歲月積三春暉有窮寸草心無極卽今展長卷眞意藹  
然溢史家載淳行姜魚及陸橘要示赤子誠寧徒滯澗  
潔况乃孝作忠法誠垂典籍皇華與白華兩事難兼得  
斯圖風有位今亦如古昔

同作

大典翁方綱覃翁

畫中邗浦交淮口畫中郎官今太守讞獄維揚二載前  
歡聚初追十年後春帆載得奉饌心春江欲作稱觥酒  
指點烟村算客程一路郵亭水楊柳千里關山夢竟眞  
幾晨定省緣非偶笑祝他年綰綬來不虛官舫牽維久

清愛堂集卷七

九

此景哦成邗浦詩此畫邗江客寫之欲畱江上春帆影  
倍戀江光愛日遲人間忠孝相關處天意江山有夙期  
誰知前度維舟日宛合今春綰綬時開函雲樹歡顏照  
始信前詩志喜奇舫意沿洄如往復波光激澗更融怡  
舟筵翁坐兒旁侍話舊懷鄉繾綣意兒前敬問母康安  
伯叔親朋及童穉趨朝不負趨庭始細數年來勤職事  
勤職依然勤奉養如此方爲能養志江天對几兒對翁  
不比時憑寸緘寄碧空雲水聞此言沙鳥風帆入今治  
重來不須倩畫工重吟如在圖畫中桂巖舊編增感述

仁庵新什慶追從問俗邦人旌旆指迎養湖山詩境同  
半帆斜照綠楊外漁洋竹井誰詩雄但恐前人邗上句



不及此段春色濃寄聲二吳入詩話覃谿七字歌春松  
竹井老人有半帆斜照到揚州之句欲以此漁洋綠楊  
城郭是揚州之句也吳穀人時主講席於此吳蘭雪亦  
客焉皆一時詩  
家之秀故及之

漁溝

乍見鈴馱喜因何我欲愁青山繞淮甸斜日到漁溝烟火  
前村聚風塵短鬢羞老親歸棹穩今夜過秦郵

重渡沂水

昨往春未半今來春欲暮沙石齒齒間清沂屢沿沂曾無  
招舟須劣可漸車渡一曲青瑤流綠繞野田護傳聞瑯琊  
稻訪古或未誤何處連縣山征夫記前度

南東會連縣之  
水水發連縣山

水經注沂水又  
東逕蓋縣故城

清愛堂集卷七

二十

長城驛見桃花

忽逢桃花林山深寒尚勒恰恰待歸鞍春風好顏色

得丁方軒都轉書却寄

握手花特別三年夢想勞筴方饒左海轡已轉東臯魚素  
柳陰寄鵲華雲際高臚言聽輒喜清在處脂膏

平原懷古

驅車古平原忽憶佳公子賓朋玳瑁簪時亦躡珠履自有  
毛先生不敢復相士碌碌十九人肝膽向誰是能容錐處  
囊買絲繡以此解紛而辭金懷哉魯連氏

懷曠六柱郎中

楚賢

李石農員外

昨年秋賦共扶輪桃李春官又報春

上秋京兆試西曹磨  
分校者余與二君而

已頌二君襄  
事禮聞故云

日下只今于綵筆天涯顧我伴勞薪從知索  
驥圖中徧莫道觀棋局外真相對白雲惟二妙招呼明月  
作三人

河間曉發東王疎雨太守

朝栢

駸駸驛路度郊垌鄉夢纔從馬上醒薄暖餘寒三四月曉  
風殘月短長亭柳因近水天然碧麥到將秋分外青此是  
日華宮舊地賢侯時爲訪遺經

歸次趙北口四首

幾家漁屋近澄潭曬網門前落日含款段垂鞭行緩緩晚  
晴天氣過燕南

渚田漠漠樹陰陰紫燕交飛掠水禽今夜江南重夢到風

清愛堂集卷七

三

光千疊繫愁心

水際烟絲麥汎風牽風水荇習鳧翁平生愛泊烟波宅長  
板橋西柳巷東

好景天然畫亦難逶迤碧榭帶紅闌長堤高處頻回首野  
曠沙明霽宇寬

雨中同人集墨卿齋中分韻送桂未谷明府

韻

之官

滇南

長安車馬客難得見天真書畫通禪悅溪山話古春雨餘  
雲片段燭至酒逡巡且試開懷抱南村句裏人

萬里一分手花開望遠春邊忙勤撫字良吏愛清貧金石  
荒須破絃歌俗自淳白頭經濟始莫負腐儒身



韓桂船同年對以四十年辰述懷詩索和遲數月乃

報之

以下疆圍大荒落

憶同選舉日氣如春在花燕臺始握手落落交雲霞君才動

天鑿粉署舒國華我時試報罷單舸秋還家仙郎早應宿倦客紛搏沙上計輒合并紅燭西窗斜此景俄廿載昨夢

折疏麻

及余官右司

右司卽比部直隸司

君已七年先去

去聲

乞歸代陳情俛罄

采蘭膳小別印爪鴻重來認巢燕讀律愧識拘平反服才練每看秋錄詳已覺春膏徧

上考膺

清愛堂集卷七

三

簡命經術康濟多名崇唐觀察地嚴漢尉佗承乏陳臬事政成在民和肅肅芟舍處鯨海無橫波

雲歸作霖後白雲秋正清堂堂文成公謂君有廉聲西曹况舊職熟路車駕輕奏上荷

報可

聖時典用平慶逢

初元赦庶獄矜其情唐虞無異治只重生靈生

五辭聽簡孚識密鑑亦朗放循讀我書便作山林想花木皆和柔吟簡日還往臯蘇無凡才何李得嗣響

學古而入官四十日強仕敷歷疇如君來軫方逾爾一成

不可變明慎易之理以茲濟物心更爲蒼生起午橋獨樂

園動名自今始

人生有至樂家慶古所難  
機雲東西屋日下春承歡  
藤輿行就養鳩玉扶杖端  
朝衫同戲綵庭樹青鸞室  
藏斗酒久賢婦如孟桓喜  
蔭大椿壽餘地培芝蘭

覽揆秋平分絲竹徵小部  
曲奏鶴南飛不待李委譜  
自述首摘章羣言快先覩  
我和遲且拙一笑餘冬補  
恰詠君家詩花開晚香圃

梁溪詩家詩郭地山上舍索賦

唱到秋墳淚滿巾九龍山下祭詩辰  
夜珠明月曾評乙退筆殘花亦苦辛  
尚記東風吟芍藥也同斜照臥麒麟  
滄江虹氣難埋處剩有奚囊古錦新

清愛堂集卷七

三

阿雨窻比部

阿林保

病中得句云白髮只今違素願

紅塵自古礙青山余爲足成長句

維摩習靜掩松關因病坡翁暫得閒  
白髮只今違素願紅塵自古礙青山  
雲龍東野交原淡烟鶴西湖夢幾還  
舊是州民知誦德梅花官閣待重攀

題韓桂舫聽雨圖

杏花消息江南雨客子光陰塞北鴻  
天性無如兄弟好人生半在別離中  
夢回謝客春蕪綠語到巴山夜燭紅  
尚待爲霖歸未得聯床畫出屋西東



清愛堂集卷八

仁和 魏成憲 寶臣

江城偶輯

二月一日

召對養心殿恭紀以下著雍敦牂

三年書上考二月節中和領郡維揚重爲郎積歲多蒙論在

部資 深資 頭銜

簡丹筆膝席近瑤坡

天語眞聞咫微臣 本在阿居隣山水窟家紹秀才科奏及卿貫

及臣父秀才未第奉有汝溫諭 蕊榜辭紅杏雲廳長綠莎日邊

秋賦校邗上使軺過識事至揚一一奏上

清愛堂集卷八

謂汝民之牧其邦業以離清廉官有守慈愛政無頗清廉愛百

姓五字 但務安耕鑿須教罷綺羅形端因正表去莠卽

培禾並恭誌 聖訓

訓益欽綸綺懷恆矢絨絀脂膏期不潤繁會懼加苛編戶

忙猶赤高堂鬢未皤卽今邀祿養總是戴

恩波蘭願咳吟暫梅徵閣姓何庭闈嚴誨迪寮采幸觀摩

遙指淮南路難忘五袴歌

余將出都伊墨卿邀同羅兩峯聘法時帆 法式善 馬

秋藥履泰 汪劍潭端光 李石農鑾宜 蔣礪堂攸銛 曉

過崇效寺看花歸集寒玉齋餞別

高柳青浮積水涯輕陰漠漠帶初霞曾藏人海仕如隱頻

款禪房心出家舊雨歡場鴻印合春風香徑燕飛斜一尊  
更盡情難別爲有諸君共此花

礪堂有詩贈別次韻荅之

韋杜城南未忍拋春陰天氣度春郊花間精舍尋幽地日  
下名流耐冷交酒似濃情細斟酌詩因遠別重推敲清淮  
千里如相憶一髮青山萬柳梢

津門喜雨

知時時雨至四野綠全蘇天意流膏澤人歡到海隅濕烟  
衝乙鳥暖漲驗丁沾霑足畿南北

升香禱已孚

春遠蓬蓬景餞春流水涯是津連析木何處望桃花潤物

清愛堂集卷八

二

應千里催耕定幾家側聞臚誦徧甘澍正隨車時光山制  
府以閱隄

舟次任城訪黃小松司馬易因與鄧蘭溪漕使再馨

孫淵如觀察星衍偕遊南池觴詠竟日小松用余丙

午北上過泐奉贈元韻賦詩二章并作南池話舊圖

見貽疊韻荅之

才思爭推下水橈開函城記仲連聊舟次聊城  
得小松書散花灘住

隣張雨擇木書工配李潮小別前番驚電過故人幾輩望

雲遙此行會是君游地明月垂楊廿四橋

難得樽前集勝流花南硯北舊吟儔坐來亭子蓮宜夏南池

亦名蓮亭話到園翁麥正秋爲我早懸徐孺榻卽今如上李膺



舟圖成菱熟蒲荒句荷葉皺從淡墨鈎

淵如廉訪招同蘭溪侍御小松司馬游浣筆泉卽用  
壁間木蘭山人劉浦荻江氏詩韻

沈光碑已訪南池浣筆泉瞻供奉祠瘦問拾遺茅屋住狂

如乞郡鑑湖時以杜陵賀監  
配太白像三人月影偏宜酒萬丈文芒

不獨詩好句劉郎題片石茫茫天海姓名知荻江自跋有  
茫茫天海知

我者誰  
之語

風流千載敢差池過客休論短簿祠某水某邱爭勝蹟一  
觴一詠又今時丐將腕脫空搖筆拜合頭低罷說詩果有  
才名堪不朽他年也許素心知

獨遊太白樓

清愛堂集卷八

三

昔遊江介歲甲午十幅蒲帆時夏五采石磯前太白樓先

生在上瞻祠宇往事尋思廿五年冰清一老已歸田端厓  
先生

奉使餘江時陪  
遊采石太白樓分符南去經東郡進艇城隅拜謫仙錦袍

烏帽人千載吳語清狂舊寮案會共金龜貰酒來下臨百

雉連雲在遺蹟人間豔齒牙才名終古徧天涯醉鄉信美

詩篇捷飯顛相逢笠影斜此邦風雅三賢作乍到憑闌望

寥廓指點無窮鷗鷺汀流連罷進鷓鴣杓陳迹興懷俯仰

間更從涉上憶青山峨眉廬阜兼衡岱畫本蕭郎四壁環

采石地近青山樓下有  
蕭尺木畫名山四壁

午日石佛牖守風小松適至暢談竟日卽景寫圖見

贈

草草蒲觴具未能天涯佳節又良朋順風飽看來帆使舊  
雨歡從別袂增石佛猶畱認唐碣水嬉大好話吳興垂楊  
如薺舟如葉却畫萍緣上剡藤

汶上道中觀刈麥

黃蓼雲滿隴零鎌來于于連朝快晴色夾岸捆載俱南風  
香餅餌土銚烟成墟今年暘雨若課量在川塗維舟勤問  
訊意必大有書道逢村叟言邑小半沮洳自從曹堤溢波  
通蜀山湖下隰久浸灌高阜畱膏腴將家結茅住喚艇晨  
荷鋤戀此一塊土先人舊田廬眼底麥秋好差免飢相驅  
謂叟且莫噓旱潦何時無

天心本仁愛

清愛堂集卷八

四

宵旰厪

睿謨節使

命相度別曩排與疏議復更議賑億萬停飛芻歲待場納  
稼門無吏催租儲材茂秝藁工築順軌趨行上安瀾頌兼  
采流民圖

守風口號六首

烟波夢繞畫橋東十暑三霜厭軟紅料理輕舟書共載翻  
教愁水又愁風

楊柳梢頭浪拍天人家上岸半牽船白鷗飛下渾相識生  
計叉魚已一年

檣烏飛動曉雲開津鼓匆匆記里催轉粟青天安穩上南



風五兩過湖來

時漕艘皆取道湖中

幾處牽維匝月過高桅日日去豈我平生但解安心守破浪乘風未足多

葉葉吳帆卸魯橋湖光似雪望難消清風誰寫一枝竹孤負鄰船夜月簫

竟日篷窗頗自怡攤書弄筆少閒時得行固願畱非惡愛詠東坡禱塔詩

五月十五日放舟獨山湖

獨山湖外水雲寬萬頃蒼茫不見端此日登臨行役慎古人忠信涉波難清風送客雙帆飽細雨催詩五月寒白浪黏天休倚柂蘆灣深處是平安

清愛堂集卷八

五

乘月登獨山

月光如雪潑湖影抱山浮天遠無窮目人來最上頭樓巖茅屋小覓港峭帆收所願占離畢三農盼有秋

詞之村農正望晴雨

月夜舟行獨山湖

舟子夜語喧好風旗脚轉一帆不得泊俄頃截湖面水天空曠間漾月如曳練洗盡纖微雲涼露滿空濺中央大圓鏡遙山青數片宵汎景絕奇平生所未見失道問莫磨曲折誤洲淀且停蘆邊橈頓覺塵慮遣

五月二十日舟中作

魚標幾處認湖灣沙鳥風帆指點間莫忘丁寧隴吏語浪花如雪過微山

韓莊雨泊

湖影蒼茫暮色橫  
瀟瀟暗雜水風聲  
一天梅子黃時雨  
漸近江南聽便清

六月二日晚抵公路浦

林燈茅屋晚風疎  
夾岸鳴蛙鼓吹如  
萬點星光明似月  
雙輪車上到官初

六月十八日夜舟中喜雨

林條不鳴月不涼  
舟行午夜如探湯  
忽焉黑雲涌西北  
過江飛雨隨雷碾  
打篷急點響撒菽  
跳珠萬斛盈禾塘  
蒼茫咫尺不可辨  
龍腥暗雜風荷香  
瑟瑟蕭蕭勢未已  
菰蒲深處疑瀟湘  
時維中伏正徂暑  
地是小辛連雲陽  
昨見通渠桔槔舉  
當晝揮汗同流漿  
明日煙疇荷鋤立  
新謠甘澤農夫慶  
關心民瘼禱輒應  
大吏望霖方肅將

舟中憶事四首

水蒲沙柳汶津邊  
一樣風光解糲筵  
對酒扁舟重五節  
還鄉淺土十三年  
典釵往事悲行篋  
營奠他時仗俸錢  
記得米囊花買得  
軍持手自換清泉

回憶將家向北程  
雙帆曾卸綠楊城  
分符却到纏腰地  
茹葷難忘結髮情  
周倅嬌兒遲奈我  
廿年愛女慧如卿  
芳魂默鑑初心在  
不改蘆簾飲水清

阿兄相送望亭辰  
有淚偷彈自掩巾  
今日空尋羅帶水  
前溪恰住玉臺人  
劍因出匣難求故  
絃爲張琴別換新  
已謝



蘭芳纔菊秀好花並蒂不同春

雪飄吳苑暮春時虎阜輕寒響屨遲  
曲水流光杯在手遠山新樣翠生  
眉落花待掃眞孃墓飛絮還吟謝  
女詩十里山塘重過處前塵影事  
少人知

晨登攝山

斜月雞鳴正落潮蒼蒼翠翠隱山  
椒人行竹逕忘三伏僧話松年自  
六朝泉石有心畱畫藁烟霞隨意  
貯吟瓢涼雲一片停如蓋可許爲  
霖膏黍苗

餞送郡士省試

綠楊城郭孝廉船風送三山造榜  
天自昔科名以人重所期器識在  
文先觀濤可有枚乘筆射策會聞  
董相賢回憶

清愛堂集卷八

七

雲程初上處青袍如草廿年前

萃鹿呦呦奏雅新下車何幸宴嘉  
賓終南佳境休誇捷江北多才却  
貴眞此去好爲題柱客他年莫作  
拆橋人卽今四野思霖雨推轂風  
光愛洗塵

九月二十二日雙親就養敬賦

燕寢清香侍寢門膝前雙晉介  
眉尊六旬添壽徵家慶一水迎親  
荷

主恩喜見扶藜諸父老羞言滋蕙  
又兒孫重申寬厚持躬

訓好將寬厚謹持躬成憲兩十五年來夙夜存

午春北上時大人詩也

渡江一刻濃陰閣住

幾報平安水驛遲江神恰送好風  
吹怡怡順風當頭雨甫進署老福傳來萬口碑  
騶唱乍聞簫管導羊燈

却謝綺紈施

天題楹帖符佳兆松柏秋容正茂時

松柏秋容茂桑榆晚景榮康熙四十四年

聖祖賜太常寺卿知揚州府事左必蕃楹帖今懸廳事

晚宿攝山般若臺晨起徧遊幽居諸勝次耕亭先生

韻

鐘動乍知曙通幽曲徑尋凍泉雙磳合微雪萬松深瘦已  
露山骨清還參佛心閒僧解脩茗款客到堂襟

己未元日

以下層維協洽

江城如畫碧淮通節景湖鄉色色同難得時晴連快雪卽  
今愛日坐春風舍飴長侍雙親健宜穀憑書八境豐一事  
差贏京國好梅花開到稱心紅

清愛堂集卷八

八

董子祠訪王春藹道士盆中素心蘭正開並懷靈部

亭比部

靈保

言瞻董相祠妙香偶然遇款客靜者流藝蘭得佳趣棐几  
無纖塵黃磁斗深護當春潔白花英英浥華露含薰不在  
多一莖兩莖吐幽賞已忘言慮淡境微悟清風吾故人南  
村託心素記彈石上泉燕山渺雲樹

部亭爲春  
講琴友

隱仙菴

清涼山下清涼境乍款松門徧落陰傳道花時黃雪滿

菴中

雙桂  
甚古

不知嶺上白雲深三層樓是仙家好半日間從勝地

尋宏景高風千載遠雅宜調鶴更彈琴

贈隱仙菴道者集杜



落落羣松直媚媚花蕊紅野雲低度水山谷遠含風乞米  
煩佳客應門試小童本無丹竈術獨贈白頭翁

莫愁湖同清霽亭太守

清華作

鏡影清波漾遠春石城煙柳掃翁新六朝金粉零星久雷  
得湖名是美人

賭墅當年荷寵光人傳逸事大功坊自經清淺蓬萊後一  
局殘棋水一方

棐几湘簾畫舫同荷花世界水當中重來準擬花時節消  
受清涼面面風

金陵卽事

芳草斜陽古渡頭柳花如雪綠波柔江東門外春無賴不

清愛堂集卷八

九

見輕烟淡粉樓

九月十九日陪春渚先生同邵志廬

棗

春畬弟登康

山爲展重陽之會用元許有壬九日登鳳寧山詩韻  
近市訪巖壑憑高意飛動吳頭楚尾間江淮資引控有懷  
康武功勝地以人重琵琶慷慨聲彈破揚州夢至今傳美  
談雅集幾停鞚茲從長者遊况復素心共石磴扶吟銘醉  
墨雷畫棟風帆與沙鳥無數烟雲供境比紅橋清酒少白  
衣送夕陽對山樓寒花影還弄政餘半日閒目已千里縱  
登臨憶故鄉城南嶺名鳳

重過小玲瓏山館有懷汪雪礪

十五年前餞一卮檀郎猶是未生時梅花春雨成陳迹降

笛斜陽憶故知佳節又題廳館句名流會款草堂師春清先生  
會館于此還君書畫須珍重米舫重新待虎兒時公子承壽以書畫見貽不忍受也

秋陰舟泛紅橋

一片涼雲澹不收烟波如畫恰宜秋紅橋尚有微黃柳簾  
卷西風水上樓

浴隄秋影落柴門漠漠平蕪淺綠痕昨夜初霜寒料峭畫  
船齊泊菊花村

謁史忠正公墓祠

黃金壩上陣雲低開府軍容壯竹西國步多艱風草勁家  
書一紙夜烏啼春燈燕子愁歌舞嶺月梅花泣鼓鼙憑弔

清愛堂集卷八

十

衣冠無齒髮

褒忠遺像自

天題

蕭孝子祠

名曰曠封肝療母疾

死孝爭傳蕭二郎肝剖一葉藥爐旁模糊血影棲魂館肝

棲魂之館見唐沈亞之集報荅慈暉續命湯至性真如嘗糞庾奇聞不

數割肌張溪毛爲薦期民勸反哺烏猶噪夕陽

冬日獨遊上方寺探梅用東坡松風亭下梅花盛開

韻

邗溟轉處餘烟村欲雪未雪淒靈魂禪智山光悄如睡江

雲漠漠寒雅昏竹西亭上客竟去坦步且復尋祇園峨眉



仙人此畱句只今茶熟香猶温梅花消息在何許綠筠萬  
箇浮清噉春風有情早破臘斜陽不到疎籬門詩境亦可  
作佛事農嗟時一聽臚言喜無人識使君過溪翁尚酌花  
前尊

自淮陰還邗上除夕阻凍召伯埭用姜堯章除夜自

石湖歸茗溪韻

冰老長淮雪未銷雲陰千里暮迢迢江春好處渾如畫夢  
到揚州廿四橋

筆床茶竈亦清娛弭棹寒生召伯湖赴壑脩蛇容易去一  
篇守歲詠髯蘇

寒流依約畫難成幾曲荒灣幾尺冰猛省一年將盡夜林

清愛堂集卷八

十一

梢紅隱市樓燈

雙輪歷鹿檐伊鴉南北勞勞歲憶家料得故園春已逗阿  
翁扶杖立梅花

官閣團圞有弟隨倚門慈母寄當歸蕭然襪被眞如客身  
上猶畱游子衣

雲際江城畫角寒青紅兒女釘椒盤篷窻獨寫宜春帖翠  
柏黃梅細細看

郵籤不報冷吟微老僕燈前理繡衣單舸與鷗偃凍浦無  
人知是使君歸

年來問俗勸田蠶明月吹簫百不諳忽憶雲霄曾到處九

華春殿試朝衫

若箇題襟句擅場驪歌爲我按伊涼  
匆匆愧少甘棠愛鴻雪飛餘燕寢香

時方轉秩金陵

祭詩筵上酒痕銷  
停待東風送艣腰  
一事關心農緯未  
雪花迎歲不封條

恩擢江安糧道恭紀

以下上章泚灘

天上除書

恩主眷江南轉漕小民依喜登總  
粘輪將早幸達雲霄  
姓氏微經歲方慙青綬縮特遷  
尤慎素餐譏廣陵咫尺金陵  
路膠條兒童認繡衣

祿養居然送喜頻  
一江安穩奉雙親  
此官可但飛芻積  
今日還同負米身  
每詠白華期蓓蓓  
幾聞紅粟積  
陳陳濟川

清愛堂集卷八

七

要使心如水勤郵丁農

兌澤春

六如居士墓在吳中桃花鵑歲久蕪廢長沙唐陶山

明府仲冕來宰斯邑重加脩治爲賦四詩

遙想風流第一人

王右丞句

夕陽芳草墓門新  
近從才子亭邊

過去後桃花未了春

青山紅粉晚依僧  
嘯傲雲烟意氣矜  
誰遣蛾眉被謠詠  
少

卿辜負讀書燈

謂都元敬

一片韓陵記式閨人傳  
紅杏宋尚書

漫堂先生

于今下馬花無

數愛說檀郎補種初

曾將白眼避寧濠  
斷楮零縑品絕高一盞寒泉薦宗袞  
遠



攜蘭芷當溪毛

署東偏有小圃明徐中山故府之一隅也余補種雜  
花數十樹泉石間頗饒生趣因綴以詩

幽幽小朶雲湛湛一池淥隱隱屋後山深深竹間屋寬閒  
地百弓官廨差不俗回首郡齋喧果已遷喬木瀟灑泉石  
心中山此休沐指點舊池臺花逕割隣曲容膝本易安窺  
園自知足鳳臺多花匠移根向空谷買栽新雨餘紅紫供  
眼福南陔春正長香襲宜春服江介扇和風芳時樂非獨  
三月三日秦淮脩稷效蘭亭體

維暮之春春物暄萋江南江北草長鶯啼綠波渙渙紅板  
橋西執蘭芳序古人與稽

清愛堂集卷八

三

新雨木蘭曉暖風桃葉渡花飛丁字簾人愛秦淮佳爲樂  
當及時賞心于此遇遙遙永和年至今動遐慕

余將北行時隱仙菴牡丹盛開孫萬泉方伯

日秉王

雨亭觀察

象儀

許秋巖太守

兆椿

招遊餞別卽席有

作

四月六日

挾雨泉聲大穿雲嶺路長花時眞富貴山境自清涼琴合  
胎仙舞

席問道  
士鼓琴

人如社燕忙

方伯于役  
彭城南歸

尊前論後會訪菊

近重陽

舟次任城何蘭士侍御

道生

視漕駐節同遊南池小

松作圖蘭士索題

君原東閣題詩客我有南池話舊圖

前年與鄧蘭溪漕使  
孫淵如觀察于此雅

遊小松作南池話舊圖

共指雲帆轉稷稻相看烟水足菱蒲風流一

字吟安未月影三人淡對無可許畫中添進艇晚涼訪友到城隅

遊南池之日春翁弟自都下之官閩中不期適至喜

用前韻卽贈其行

何緣鞞鞞常華景寫入駢駢四牡圖此去君方期作楫當年我亦解編蒲山深仙荔香應滿池淨涼荷暑已無憶弟看雲他日詠題襟記取任城隅

題蘭士南池行館圖卽以寄懷

少陵祠枕水之濱著箇吟筒與釣綸騶唱不聞鷗鳥狎更無人識繡衣人

清愛堂集卷八

十四

乍聽蕭蕭荷葉聲喜將甘雨慰蒼生使君自是心如水比

向南池清更清

蘭士書來言望雨正殷夜聞荷葉聲颯颯喜而起坐

天邊持節濟川才百道泉疏岱頂回邪許聲中萬夫喜蒲

帆齊過草橋來

森木城隅正晚涼依然菱熟又蒲荒寫將一曲烟波景增

重遑華北去裘

南旺謁宋康惠公祠

閏四月二十一日

想像尚書履傳聞大野功濟川才不偶轉漕惠無窮是處

源曾滌于今棟尚隆宇鄰蒼水使

祠在分水廟側籌借白頭翁謂汶

上白老

指點憑高下經營湖會通

永樂九年公濬會通河二十句而竣事孟

城形比峻鱗隰築還崇作戴村壩過絕東勢分南北餘波



徧渚深靈長資五汶利賴倚司空置閨逢初夏連艘出二  
東岸枯蘋減溜雲漬忽搖風牽挽憐丁瘁艱難祝歲豐先  
憂千里赤或損太倉紅治粟深慚我爲霖獨憶公所期興  
有滄清切瓣香中

得小松書却寄

功名何物任浮沉婚嫁猶能累向禽况復中年偏善病從  
來上藥是安心睡鄉只合尋甜夢飯顆惟應罷苦吟爲報  
蓄蘭天氣好延齡酒對綠蒲斟

舟次沽上苦熱

北帆兩月餘徂暑不得避炎官張火繳朝暎已如熾日行  
沸湯中大艣接鱗次出牖鷹脫鞢直沽辨丁字水西樹重  
重淡濃積烟翠望若清涼境此間藏野寺枯禪看客舟戴  
笠有閒意熱惱彼破除塵勞我素位午陰一蟬嘶隔岸盡  
荷芰

清愛堂集卷八

五

清愛堂集卷九

仁和 魏成憲 寶臣

奉護餘課

六月十八日從春渚先生同何竹君震伯家松窻兄

春嗟弟景萬立和姪謙豫泛月南灣次日先生用元

次山月夜讌會韻賦詩紀遊謹和一首以下重光作鹽

一灣淡無際漁村與水田荷香不知處涼月已在船平生

爲行役四美難乎全夢繞烟波趣往往隔遠天衡門此最

近夜景復湛然詩老興不淺况有蘇斜川謂竹君尊前雜菱

茨坐上無管絃且就鷗邊泊達曙方偕旋

八月三日諸同年小集湖上次俞漱園趙韻

清愛堂集卷九

蓮有餘花桂未芬秋光如水漾湖雲人同老鶴清相和心

逐涼鷗淡入羣卅載岑苔重話舊一番尊酒又論文天涯

歲歲牽鄉夢不記揚州月二分

回首年華歎逝波夕陽鄰笛故人多那堪雨別空傳鯉畢

竟風流亦愛鷺謂月樵公等名山垂汗簡我今負土泣烟蘿

不因戀戀同門友忍向湖心緩棹過

穉齒曾登選佛場賓筵最後詠霓裳曩時共結鴻軒侶後

日重期鹿野觴丁酉重赴鹿鳴者胡明府趙學正兩翁醉裏飛騰波泛月別

來容易鬢添霜人生會合真難定病渴相如臥草堂俞秋府期

而不

停雲從古說相思月落潮平去合遲三徑開來求友益重



湖佳處解人頤何妨脫帽全刪禮未到分襟尚有詩此會  
已忘誰主客如蘭臭味不差池

九月十三日周廉堂中允典試歲事同展胡文恪公

墓謹賦

積雨開晴翠嶺長墓田宿草劇蒼涼清名蓋代談何易知  
已餘哀久未忘

天上金泥頻薦菊

昨冬 諭祭近奉  
入祀鄉賢之

旨門生玉尺到維桑傳

衣尚鑒心如水漫悵秋風陸氏莊

公姪謹餘上  
台應試被落

臘月十日同潘畏堂比部遊師子林

一重一掩妙入神一邱一壑非由旬一袈裟地景特起冷

青石氣含古春初疑厓絕兩壁合忽辨細路纔通人人語

清愛堂集卷九

在上響下荅對面可接逕屢循如窈而曲往而復我僕木  
末我水濱胸喘膚汗興未已却露石骨纏松身誰其圖者  
朱澤民趙倪續作荷葉敝此中大佳咫尺耳尋幽不出巖  
城闔題詩記取臨頓里須彌芥子參前因

唐陶山明府招集桃花菴分韻得沅字

衣上猶留舊酒痕桃花菴裏弔詩魂才名第一艱庸福治

行無雙賴族孫今雨瑤華追鮑謝美人香草話湘沅

陶山  
家長

沙 招呼明月同良友合向梅邊盡此尊

感舊八首

絕微威靈震上公雲臺高議畫圖中手持平典陽和化力

挽狂瀾砥柱功屋有書聲娛晚節門無私謁想清風惟將

耿介酬知己說著恩言淚便紅章佳文成公屢以耿介見許知己之言不敢負也  
平生清節

九重聞大雅輪扶卓不羣給札南齋詩視草犁庭西

域志同文只今畏壘相尸祝多愧俟芭爲起墳一瓣香中

兩知已愁看湖樹與江雲座主胡文恪公久直內廷以清節聞於時房師褚筠心先生

承纂西域同文志列入四庫全書近皆入祀鄉賢

不關兒女繫恩私少日曾蒙國士知一代風流淮海集十

年星使謫仙祠未終烏養陳情後乍謁元亭領郡時長逝

難兄增痛絕九原春草訴相思外舅秦端厓先生乞養歸田抱病四載前歲出守廣

陵謁于里第別一日而凶問至令兄漪園考功先五年卒于燥陽

家門師友羨劄山阮竹陰陰謝草閒宦拙歸來壘更斷天

清愛堂集卷九

三

高仰罷桂難攀選樓方駕千詩勁秋卷叢殘一第慳畢竟

脩文緣底事夜深時有鶴飛還從父夏初先生解組居貧從兄菑塘清才早世阮芸

臺侍郎並采其詩入兩浙翰軒錄海山筠軒兩弟先後赴省試得疾不起

第一翹才孰後先當時秋賦共賓筵人間短夢三生石地

下長埋萬選錢畫省含香春黯黯南雲持節草緜緜侯生

吳季遺文散獨有鴛湖秀句傳吳菑林省元聯捷官吏部候神庵南宮第一官兵部

汪雲壑以會狀入詞垣出典演學三君皆丁酉同榜也汪遺詩已刊行

聞道文翁雅化存風雲籌筆氣雄尊秋清畫角登陴勇春

徧茅檐挾纈恩夔府只今皆按堵瞿塘尚有未招魂勞臣

良政從頭戴八口蠶叢雪涕痕同年張琴六由農曹出守夔州以疾卒于官

湖上花光映白頭商量非日詠花游一生能著幾兩屐千



首會輕萬戶侯苜蓿盤空官耐冷芙蓉城遠夢驚秋寒冰  
夕照山陽笛齊物還思達者流仇一鷗同年官廣文襟懷曠達日事雅游預知終期

有詩紀事者未學齋集

秦雲慘淡使星沉辛苦文場未了心身到蓬萊空贖藁手  
栽桃李不成陰書生無命俄埋玉

天語垂憐特

賜金白髮倚閭黃口泣故山何日素車臨新續山編修爲甲寅京兆試所

得士與脩國史典關中試未及揭曉而卒得旨軫恤賜金歸葬

東吳穀人祭酒申西溪探梅之約

溪上梅花正好探吳何二老興方酣明晨出郭君須早已

買扁舟在舍南

清愛堂集卷九

四

小除日陪春渚先生竹堂舅氏同穀人柳村西溪探

梅分韻得迎字

溪翁昨有信春風到柴荆梅花香破臘翠羽時一聲秦亭

數峯碧隔岸如相迎渚盡又得渚淺汶篙屢撐簪俗叢竹

裏綴以疎影清不見殘雪冒但見蒼烟橫娑娑隨老輩慮

淡物自輕用謝康樂句歲晏寡塵事且向閒鷗盟

正月二十四日雪中王石交樞摺陪春渚先生同吳

穀人楊北海集七十二峯閣以下元默闍茂

石交愛畫尤愛石嗜好酸鹹殊俗客昨冬示我有交圖經

鋤堂中舊手澤試看風骨不摸稜題款相符今視昔君近得倪

文貞公石交圖看有摸稜物態無愛他風骨副他麤文貞題句也磊磊落落真吾徒寶之

奚啻壁盈尺此意辛勤三十年七十二峯羅几席洞天一品信久要壺中九華稱莫逆其聲清越叩則鳴厥質玲瓏貫以脈絕疑鬼設與神施况靚縈青復繚白應接不暇巖壑多如向山陰蠟雙屐就中珍賞畱陳迹名士鐫名認鐵畫玉山高會墨林秋風雅相望歲幾百石有顧阿瑛項子京曾藏者張貞居吳範菴文衡山並有題名卽今重賀石所遭來往摩挲盡詞伯石不能言意或酬春酒應須樂春夕品字柴頭火正温那顧衝泥城鑰隔石間時有雪飛來香到梅花潤到麥

送唐陶山攝海州牧

吳儂遠進攀轅酒人頌唐侯不去口送喜先翔海上鷗將離重折蘇臺柳蘇臺花好種三年治劇真如烹小鮮禮器

清愛堂集卷九

五

新劔崇術教公琴加葺為宗賢捐置文廟祭器重修六如祠墓賢聲風聽

輿謳徧

天子書屏達官薦州近長淮古贛榆彼都望歲茲鄉戀風流二老共題襟述菴竹汀兩先生皆有詩交贈行寫出甘棠勿拜心往日童蒙高弟子昨來桃李已成陰謂英煦齋侍郎此行民說慈雲近瘠土尤須撫字謹我亦江城舊使君居廬尚軫茅檐隱

題立和姪讀書圖

屋角青山屋後渠散花灘畔愛吾廬人間好學原為福况有家藏善本書

羣從階前汝是兄辛勤祇望誦芬清一門師友談何易敢

信書田輩輩耕



二月七日招李石農觀察泛湖分韻得催字

晴湖不如雨與君話燕臺

壬子秋在都倡和有晴湖不如雨之句

十載果斯

約同泛雨湖來春光二分未舊雨歡追陪濛濛濕翠合隄  
上花初催山茶紅破萼冷香繞殘梅虛亭一徙倚曲港時  
浴洄畫境卽詩境好友懷抱開永嘉山水窟管領三年纔  
江風與海月吟料奚囊裁猶選林壑勝思帶煙霞回造物  
無盡藏資公謫仙才卽今圖笠屐漁父應相猜梨花酒正  
熟且盡賞雨杯

伊雲林光祿

朝棟

緘示近集却寄

脫却朝衫已十年養堂近築粵江邊同窺綠字藏書府

同直

西苑校四庫書

爲喚紅橋載酒船

前歲邦江雅集

大集乘成觀海地報章

清愛堂集卷九

六

來自折梅天文章太守趨庭子一聽循聲一莞然

二月二十一日獨遊焦山

江心涌翠螺此中有勝境帆挂客匆匆夢遊心耿耿茲行  
爲焦山春糧途遠騁春物方暄妍岸容綴桃杏紅船平似  
地風軟浪花靜偶逢汲水僧導我穿雲嶺佳處尋茅菴竹  
樹散清影鶻巢高可攀鼉更寒尚警東望盡海門飛霞收  
霽景奧如復曠如萬象供飽領獨往情易闌坡公趣未省

觀音巖

路出喬松顛人行飛鳥上凌風一振衣眼界超色相吳楚  
極青蒼江海渺空曠絕壁返照翻浮金暮濤漲亂帆插天  
去澄鮮景難狀詩鐫趙冰壺剔苔更搜訪試參妙明心煙

雲爲供養  
三詔洞禮焦隱君像

三詔洞禮焦隱君像

淨埽瓜牛廬袒臥對深雪一爲殺難歌守默語音絕衣食  
不苟得邪徑不可越類有道德者與體汚志乃潔運遭漢魏  
交凜然見高節山以先生傳問姓煙霞窟寥寥千載心照  
徹海天月

三月十三日雨後同春畬弟步至般若菴看牡丹春

渚先生三膝兄期而不至因訂後遊

一逕穿脩竹深深薜荔牆春風花富貴佛日境清涼農事  
霑新雨吟懷淡夕陽重來看更好說與染衣香

次日陪春渚先生同瑤舟弟重過般若菴

清愛堂集卷九

七

霞光和露泥輕塵禪室同探穀雨春不遠前村行藥地重  
來昨日看花人大迎熟客馴如導鶯語家鄉聽轉親恰爲  
維摩剛示疾遲教萎尾入時新時二膝兄抱恙菴中芍藥尚未開也

題阿雨窗廉使所藏馬湘蘭畫冊

自向粧臺寫小身一花一葉一愁新天然沒骨秦樓畫想  
見蛾眉淡掃人

十里秦淮記舊游東風無賴柳絲柔六朝金粉零星久不

獨花飛碎玉樓

翠袖天寒太瘦生梅花脩竹倚盈盈眞珠字是綢繆篆老

子婆娑亦有情龍泓隱君篆書題籤

只合香熏愛色絲鬱林片石共相隨年來暮雨吳孃曲唱



到鉛華洗淨時

二姪謙泰初入郡學詩以勉之

猶子年來獨慰情  
曉窗辨色起書聲  
自憐舊日知塗馬  
果見春風出谷鶯  
白髮重闈恩待報  
青雲直上路原平  
庭前玉樹欣欣向  
手種芳蘭第一莖

家祭今朝黯自哀  
兒孫端拜影堂開  
人言後起傳經始  
我感先公種德來  
太璞未雕加愛惜  
靈根初茁要滋培  
文章忠孝尋常事  
立志須從作秀才

八月五日陪春渚先生同春嚙弟過化城菴用王芟檐先生壁間韻

野徑行邊誤禪扉  
問訊頻風荷涼欲雨  
秋草碧於春醉墨

清愛堂集卷九

八

畱前輩幽尋得幾人  
先公舊遊處苦憶杖扶身  
先大夫於辛丑之冬同春渚先生遊此題壁猶在

是日遊芝巖道院卽用芟檐先生重過化城菴題壁

韻

興餘重選勝款步侍蒼顏  
秋野已無暑暮樵猶未還  
棋聲流水靜竹色廣庭閒  
差喜吾廬近平分一角山

曉過紫芝山房看桂

秋陰澹朝暉重露濕如雨  
微聞木犀香池邇訪隣  
圃夾城地寬閒曳履不數武  
曲巷窄而深遂入丹房古叢生  
偃蹇枝濃濃妙華吐萬斛醞奇芬  
涼風散庭戶恰於梧竹間黃雪  
一林補清氣沁詩脾庭柯幾回  
撫樂事在賞心信美惟

吾土何爲小山翁扁舟昨遊滬春浩先生有上海之行隨時愛景光

用蘇子卿句花前誰客主

從姪錦川茂才霖川哀詞

汝母從母女母之姊妹爲從母汝生吾母珍未生吾母夢夢汝騎

騏驎試啼果英物謂當有夙根汝幼體太弱已是多病身

外祖胡文恪持節西江瀆我時佐其幕青袍下第辰汝母

挈汝至官閣經冬春汝纔八九歲不與常兒羣琅然瓶瀉

水賦誦西都賓粲粲露白齒藥物需之頻文恪每顧語福

澤由精神讀書勿銳進元氣須彌綸詎貴取青紫但盼宜

弟昆好歸侍大父愛惜晨與昏彈指二十載往事如風輪

九原見文恪彌甥何遽淪攜持而保抱辜負高堂恩怕使

清愛堂集卷九

九

吾母知欲語幾逡巡老淚忽失聲玉樹摧爲薪

自我官於朝南北天一方與汝一分手不覺十六霜每逢

親串來挑燈詢家常云汝不好弄恂恂近文章竹梧鸞鵠

時趨庭如我長阿姊頗婉婉阿妹相扶將汝婦儒家女亦

解羅酒漿靜好御琴瑟兒女喜成行初爲童子郎旋見遊

虞庠摘藻獨秀出再踏槐花黃庭下科名草從此傳芸香

夙心徒款款終古悲茫茫天邊桂子落昨夜西風涼

前年扶護歸痛我麻衣雪讀禮常閉關往來惟弟姪汝於

諸姪中手敏識尤密小文爲我鈔短札爲我筆洛誦偶遺

忘汝能補我闕津逮有源流我能與汝說僞體要別裁丹

黃而甲乙記事胸有珠觀書眼如月不輸卜式貲但抱文



度滕人言佳子弟世澤美詒厥我有叢殘編辛勤手著述  
行將交付汝此意汝應悉嗚呼三年來夢境成恍惚屬今  
夏秋交煩暑久蒸鬱呻吟汝在牀初亦祇腹疾小愈旋不  
樹巫醫妄施術閱日俄七旬與汝竟永訣可憐語模糊俯  
仰事未畢言我將出山不及柳絲折一慟歎門衰天乎慘  
降罰回頭顧阿兄中歲須作達賈生賦鵬凶長吉嘔心出  
壽命皆不長花好難干實兄長我一紀情與同懷匹而兀  
已抱孫小鳳聯丹穴我子與兄孫問年俱六七更待一星  
終舞象可相牽鑿楹書且藏滋畹蘭自發投杖看黃花晚  
香煦朝日

同龔萼樓立和姪秦亭山看紅葉

清愛堂集卷九

十

輕霞冠日畫遙天人俯喬林飛鳥邊山到秦亭環翠密霜  
飄吳樹冷紅鮮來游北郭纔三里記別西湖已十年輸與  
龔生腰脚健穿雲直上最高巔

湖上酒樓題壁

湖波片片淡於鷗楊柳輕陰上酒樓半世流光多在客一  
年好景最宜秋菊花天氣猶餘爽燕子生涯可自由如此  
家山容易別者番頻住木蘭舟

古蕩舟中同古愚兄春畬弟作

秦亭與法華寒翠添嶙峋沿山十八里野航兩三人霜落  
水澄霽菱葉古錦紋村村打稻畢猶見風俗淳前溪隔烟  
問荻花搖碧雲

蘆菴贈梅嶼上人

小歲記昨遊蘆人爲前導梅花樹下僧相逢但微笑彈指  
忽經秋荒寒境重到水緩山舒舒習靜萬緣埽水緩山舒  
額陳眉公

書墨蹟  
尚存心如澄潭空詩以呈佛妙一鶴望歸來冰淒又斜

照天涯舊雨遙何日同漁釣去年小除日陪竹堂舅氏春  
渚先生同穀人柳村探梅過

菴中今舅氏下世  
餘皆客游未歸試叅本色禪溪雲自在好

雲溪菴

溪行若無路一折一境幽寒筠綠如簣禪扉通釣舟檐際  
雲自宿渺然見滄洲遺民此薙染高蹈本清流只今袈裟  
地姓氏應長畱隱隱漁唱晚飛過雙白鷗菴爲僧偃亭所  
創卽復社中徐  
繼思  
也

清愛堂集卷九

十一

回舟過千斤池

竹密渚纔通沙淺船屢閣忽展百頃池寒烟生漠漠淵深  
而魚生沛乎縱大壑或網或扣舟竭澤漁者虐自昔邑侯  
賢護生隄肇作居然遊從容無復漑鼎鑊剝蘚讀殘碑如  
放華陰雀慕公天顏宰錢塘時禁千斤池漁者  
自撰護生記今碑在雲溪菴壁間策策與堂  
堂濠梁樂莫樂

薄暮至秋雪菴

榜人誤亦好往復盡寒沚蘆中認茅菴暮色蒼然起畧約  
橫當門彌望蒹葭里濛濛夕陽天絮絮白雲裏西風簾幾  
重飛霏吹不止青山在其上浮出畫難似帶以黃葉林漁  
屋成小市惜遲十日來刈葦衡從矣不然花迷漫月光潑



烟水聊當殘雪觀秋雪景如此

清愛堂集卷九

清愛堂集卷九

三

10104

